

याक्खा कथा संग्रह
पुस्तिका

इंक्टं उंअर्ग

प्रवधान

बर्तमान अत्याधुनिक विश्व परिवेशको प्रभावमा परी आफ्नो राष्ट्रियता, जातियता तथा मौलिकता झल्काउने प्राचिन भाषा, संस्कृति, संस्कार तथा परम्पराहरूलाई ओझेलमा पादै अगाडी बढिरहेको यो विश्व परिवेशमा धेरै जाति, धर्म तथा सम्प्रदायहरूले संरक्षण, विकास, बृद्धी र उत्थानको अभावमा आफ्नो जातिगत, भाषिक र साँस्कृतिक पहिचानलाई गुमाई सकेको कुरा हामी सबैलाई अवगतै छ । यसै कुरालाई हृदयमा गरी लोपुन्मुख याक्खा भाषाको संरक्षण, विकास, बृद्धी र उत्थानमा सानो टेवा पुर्याउने उदेश्यले, यहाँहरूको अमूल्य सुझाव, सल्लाह र प्रतिक्रियाको अपेक्षा गर्दै त्रिभुवन विश्व-विद्यालय भाषा विज्ञान प्रतिष्ठानले प्रदान गरेको वर्णविन्यास सिकायतको आधारमा यो पुस्तिका तयार गरेकाछौ ।

-याक्खा समाज

वाइबोल बे?हा ताप्लिकचि

१. उथुकका ताप्लिक

घाक हाकिनड् ओन्दाड् निड्वाफुमाडा ताड्खेड् नुड् ताम्दाड्फुमा चोगुचि॥ ताम्दाड्फुमा आकार मेत्तिड्ना सुन्ने नुड् कुइम्ना साया॥ न्ना माड्च्वाडा एप्तुक्सा, न्हाड् निड्वाफुमागा आत्मा न्ना माड्च्वा छोड्बे कोताघोन्दा॥ निड्वाफुमाडा खा?ला काया, "ओम लेड्नि"॥ न्हाड् इखा?लामाड् लेक्सा॥ न्हाड् निड्वाफुमाडा ओम्नाभाड् कुइम्ना फोक्सु, न्हाड् ओम्ना ले?निड् नुड् कुयुम्ना से?निड् भोड् उनिड् पिचि॥

निड्वाफुमाडा फेरि खा?ला काया, "ताड्खेड्गा मोहा माड्च्वा एक ठोड्बे थोम्नि, न्हाड् फुककोना खाम ओ?नि॥" न्हाड् इखा?ला माड् लेक्सा॥ उडा फुककोना ताम्दाड्फुमा, न्हाडा माड्च्वा थोमाना सामुन्दारा भोड् उनिड् पिचि॥ इखा निसुहोड् निड्वाफुमा चोन्दास्या॥ न्हाड् उडा खा?ला काया, "ताम्दाड्फुमाडा घाक खाले सिड्गा उथाप, चचि?या नुड् उसा केड्खुबा सिड् पोक्मेतुनि" न्हाड् इखा?ला माड् लेक्सा॥ इखा निसुहोड् निड्वाफुमा चोन्दास्या॥

निड्वाफुमाडा फेरि खा?ला काया, "लेत्तिड् नुड् सेत्ति फोड्मागा, लेन, फिम्बलिड् था तोक्मागा ताड्खेड्बे ज्योत्तिचि न्लेड्होड् चाम्कान्जोक्नि॥" न्हाड् इखा?ला माड् लेक्सा॥ निड्वाफुमाडा लेत्तिगा लागि नाम, सेत्तिगा लागि ला नुड् चोक्चोकि चोगुचि न्हाड् ताड्खेड्बे युक्सुचि॥

निड्वाफुमाडा फेरि खा?ला काया, "माड्च्वा घाक खाले जिवातचिडा इड्पुत्ति, ताड्खेड् न्वाकुच्याचिडा इड्पुत्ति॥" न्हाड् निड्वाफुमाडा माड्च्वाबे वाखुबा जिवातचि नुड् ताड्खेड्बे पेखुबा न्वाक्चि चोगुचि॥ इखा निसुहोड् उड् चोन्दास्या॥ उडा इखाचि खा?ला लुसाड् आसिक पिचि, "न्निड्दा पुसाड् पुसाड् ख्यानि॥ प्याक प्याक लेड्साड् ख्यानि,ताम्दाड्फुमा भोरि फाइलाचोगानि॥"

निड्वाफुमाडा काया,"ताम्दाङ्फुमाडा घाक खाले माम्माहा मिमि?हा पाङ्बे हिङ्माहा,पुङ्दाबे वाखुबा पोसुचि उत्पान्ना चोगुचिनि॥" न्हाङ् इखा?ला माङ् लेकसा॥ इखा घाक सोहोङ् निड्वाफुमा चोन्दास्या॥

न्हाङ् निड्वाफुमाडा काया,"हाकु या?मि कानिङ् लु?वाना चोक्मा तायाना॥" उडा घाक सिरिस्टि छोङ्बे चोक्तोक चोगुनि॥ इखा?ला निड्वाफुमाडा या?मि उङ् लु?वाहा चोगुचि॥ उडा बाबु नुङ् मामु माङ् चोगुचि, न्हाङ् खा?ला लुसाङ् आसिक पिचि, "न्जिङ्गा प्याक च्याचि न्लेङ्नि,ताम्दाङ्फुमा भोरि इङ्पुत्तुनि, न्हाङ् घाक सिरिस्टि छोङ्बे चोक्तोक न्जोगुनि॥ का न्निङ्दा चामागा लागि चाचि?या, सिङ्गा उसा पिन्नुङ्नेनिन॥ पोसुचि च्हेन घास पिक्सुङ्चिङ्हा॥" न्हाङ् इखा?लामाङ् लेकसा॥ इखा निसुहोङ् निड्वाफुमा इब्बे इब्बे चोन्दास्या॥

इखा?ला निड्वाफुमाडा ताङ्खेङ् नुङ् ताम्दाङ्फुमाबे वो?याहा घाक थोक चोगु॥ उडा याम्ना लेन सोम्नाबे घाक चोगिहोङ् लाम्ना लेन आराम चोगा॥ न्हाडा न्ना लेन पाबित्तारा लेनभोङ् फोक्सुहोङ् उडा आसिक पि॥ इखा?ला घाक थोकका सिरिस्टि लेकसा॥

२. या?मि पातानगा ताप्लिक

निड्वाफुमाडा आदानबे एको फुङ्साहाम एन्दुक्सा॥ न्ना फुङ्साहाम्बे प्याक खाले उसा केङ्खुबा सिङ्गा उथाप वाया॥ निड्वाफुमाडा ओन्दाङ् चोगुचिहा या?मिचि चा न्नाबे युक्सुक्साचि॥ न्ना फुङ्साहाम्बे प्याक खाले जिवातचि चा इवाया॥

न्नाबे?हा जिवातचि माथ्येबे पुछाक घाक हाकिनङ् चोम्बु साया॥ इलेन न्ना पुछाकडा मामु या?मि खा?ला लु, "निड्वाफुमाडा न्जिङ्दा नाबे सिङ्गा उसा न्जायान्चुन लुयामाचिघा?" मामु या?मिडा लु,"कान्चिङ् घाक खाले सिङ्गा उसा चामा यामेङ्चुङ्, इखा?निङ्गो ना फुङ्साहाम्गा उलुम्बे?ना सिङ्गा उतुम्बे च्हेन न्जायान्चुन, न्दोक्ति?यान्चुन, इजाङ्बाङ्निङ् हे?निङ् न्जिङ्दा ना सिङ्गा उसा चामेचुगा, इङ्खिङ्बेलाकमाङ् न्जिङ्दा सिमेचिघा लुयामाहा॥" इखा चे?या खेप्सुहोङ् पुछाकडा न्ना मामु या?मि लु, "मेन्ना न्जिङ्दा न्निमेन्चिगान्हा॥ निड्वाफुमाडा था वान्ने, न्जिङ्दा ना सिङ्गा उसा चायाचुगाभोङ्, न्जिङ्गा मिक्चि इहोमेहोङ् उङ् लो?वाहा लेङ्मेचिगा न्हाडा उचुन्हा नुङ् इसि?हा था तोक्माना निड्वा तोङ्मेचुगाना॥ न्हाडामाङ् उडा खा?ला लुयाचिघा ओमा॥"

न्हाडा मामु या?मिडा उनिङ्वाबे खा?ला मिता, उचुन्हा नुङ् इसि?हा था तोक्माना

निड्वा तोक्मागा लागि गो ना सिङ्गा उसाले चामा पोनै राइछो॥ न्हाडा उडा खा?ला सिङ्गा उसा सो॥ उलुङ्मा किप्टु, उचुन्माचेक चाङ्चाङ् लो?वा निसु॥ न्हाङ्डा उडा न्ना सिङ्गा उसा सेप्सुहोङ् चो, न्हाङ् उहिङ्खुबा चा चामेतु॥ जोबो इखा या?मिचिडा न्ना सिङ्गा उसा चायाचु, न्हाडा उङ्चिगा मिक्चि इहोसा, न्हाडा उङ्चिडा था तोक्ताचु, कान्चिङ्गो नाङ्गेहाचिडान ले राइछो॥ न्हाडा उङ्चिडा वेपुगा उलाभाक्का तेक थुबाचुहोङ् वायाचु॥

नासेकडा निड्वाफुमा न्ना फुङ्साहाम्बे को?मास्यानिङ् आदाम नुङ् उहिङ्खुमाडा निड्वाफुमागा ओसेम्ला खेप्साचुहोङ् उङ्चि सिङ्गा उसाम्बे चुमाब्याचि॥ इखा?निङ्गो निड्वाफुमाडा आदाम खा?ला लुसाङ् का, “आदाम, ओ आदाम, न्दा हे?ने वेकाना?” न्हाडा आदामडा खा?ला लु, “का फुङ्साहाम्बे न्सेम्ला खेप्सुङ्होङ् किसिताङ्, न्हाडा चुमाब्यामाङ्ना॥ इजाङ्बाङ्निङ् का नाङ्गेडाना॥” न्हाडा निड्वाफुमाडा आदाम खा?ला लु, “न्दा इसाडा नाङ्गेगाना भोङ् लुयागाना? कि का न्जोन लु?नेन्ना सिङ्गा उसा चोघा इ?” न्हाडा आदामडा फेरि खा?ला लु, “न्दा माङ् कानुङ् वानिभोङ् पियाङ्गाना मामुडा का पियाङ्होङ् चाङ्ना॥”

न्हाडा निड्वाफुमाडा न्ना मामु या?मि छिम्दु, “न्दा इजाङ् खा?ला चोगाना?” न्हाडा न्ना मामु या?मिडा निड्वाफुमा लु, “का पुछाकडा लेमाचायाङ्होङ् खा?ला लेक्साहा ओम॥” न्हाडा निड्वाफुमाडा न्ना पुछाक खा?ला लु, “न्दा खा?ला चोगागानाडा घाक जिवातचिबे न्दासे ना साराप तोक्त्वागाना॥ हाकु न्दा म्फोक्का बोलडा लाम्मेका, न्हाडा न्दा हिङ्गानुङ् सोम्मा खाम च्वागा॥ इगा नुङ् ना मामुगा सान्तानगा उलुम्बे का दुस्मानि एम्बिमे?नेन्चिना॥ न्दा उका उलाङ्बे ओग्वागा, न्हाडा उडा इगा न्दुखुरुक किच्येचोग्वा॥ निड्वाफुमाडा मामु या?मि लु, “हाकु का इगा सुत्केरि बेथा पुम्बिमेत्नेन, न्दा प्याक तुखि आङ्साङ् न्ज्याचि तोक्तुचिगानि, इङ्खिङ्होङ् चा इगा न्निङ्वा च्हेन इहिङ्खुबा पोडि माङ् वानि, न्हाडा उडामाङ् न्दा तायेन्बे युङ्गानि॥”

न्हाडा निड्वाफुमाडा आदाम खा?ला लु, “न्दा इहिङ्खुमागा साला खेप्सुगाहोङ् का न्जोन लु?नेन्ना सिङ्गा उसा चोगाहोङ् खाम्बे साराप आयामा॥ हाकु न्दा हिङ्गानुङ् सोम्मा तुक्खि चोक्साङ् ह्वाङ्मा पिरिक पिरिक कामचोगुगाहोङ् खामभाङ् केङ्मेतुघा चाचि?याडा हिङ्चागानि॥ न्हाडा ना खामडा इगा लागि तिङ्गिभाक नुङ् सिउडि पोक्मेतुनि॥ न्दा खाम भाङ् माङ् सागाना न्दा खाम्गान्माङ् ओम न्हाडा खाम बे?माङ् लाङ्खेकानि॥”

आदामडा उहिङ्खुमागा उनिङ् हाब्बा युक्सु, इजाङ् बाङ्निङ् उङ्माङ् घाक हिङ्गिलिक्हाचिगा मा साया॥ न्हाडा निङ्वाफुमाडा आदाम नुङ् हाब्बा ह्वारिका तेक बानाचोगुहोङ् वाप्मेतुचि॥ निङ्वाफुमाडा खा?ला काया, “हाकु खा या?मिचि चा कानिङ् लो?वा उचु-हानुङ् इसि?हा था तोक्माना निङ्वा तोक्तियामाचु॥ खाचिडा ना हिङ्लुङ् पिखुबा, सिङ्गा उसा चा चामेचुहोङ् साथाइ हिङ्नुङ्मेच्याहा लोप्पि॥” न्हाडा निङ्वाफुमाडा न्ना सिङ्गा उसा चामा न्दोक्चुन्निभोङ् न्ना फुङ्साहामभाङ् लोन्धाक्सुचि॥ न्हाङ् न्ना हिङ्लुङ् पिखुबा सिङ्गा उयुम्बे इसाचा तामा ड्यानन्निभोङ् वालोकदुत्तिच नुङ् ओरिपोरि इन्नुङ्खुबा ज्वालानुङ्हा साम्बेक युक्सुबिचि॥

३. नोआनुङ् जाल पारलाया

ताम्दाङ्फुमाबे या?मिचि इमिन पुसाङ् इख्या, पाप चा इखा?लामाङ् पुसाङ् खया॥ निङ्वाफुमाडा ताम्दाङ्फुमाबे सो, उडा घाक इसि?हासे निसु॥ न्हाडा उडा सिरिस्टि चोगुहा इखा घाक थोक्पे उनिङ्वा तुगा॥ इखा?निङ्गो न्नाबे एको नोआ बाङ्ना या?मि चा वाया, उङ् च्हेन धारमोति साया॥

इलेन निङ्वाफुमाडा उङ् खा?ला लु, “हाकु का ताम्दाङ्फुमाबे सिरिस्टि चोगुङ्हा घाक्थोक नास्टा चोघेक्सुङ्॥ ताम्दाङ्फुमाबे का न्दा से एको धारमोति या?मि तुम्नेन॥ हाकु का ना ताम्दाङ्फुमा जालपारलायाडा नास्टा चोक्मा हाक्विन्ङ् ओन्दाङ् न्दा सिङ्गा एको माडा होङ्गा?वा चोगु न्हाङ् आलाकात्ताराडा लेङ्गु॥ चोगिघोङ् इङ्गा जाहान पारिवारचि, न्हाङ् घाक खाले पोसुचि नुङ् न्वाक्विचगा एक-एक जोर होङ्गा?वाबे ताचि॥” न्हाडा निङ्वाफुमाडा लुहा लो?वामाङ् नोआडा माडा होङ्गा?वा चोगु॥

नोआ होङ्गा?वा चोगिहोङ् उङ् नुङ् उका पारिवार, न्हाडा घाक पोसुपारानिचि होगा?वाबे इङ्गुया॥ न्हाडा निङ्वाफुमाडा ताम्दाङ्फुमाबे माडा वासिक तामेतु॥ न्ना वासिक नाखेङ् लेन सोम्मा ले?नि से?नि तायामासा॥ इङ्खिङ्बेला वासिक तायाहोङ् ताम्दाङ्फुमाबे माङ्च्वा थोम्साङ् थोम्साङ् खया॥ न्हाडा नाबे?हा घाक कोङ्गुचि माङ्च्वाडा लुप्सेहेतुचि॥ इखा?निङ्गो उङ्चि इवायाना होङ्गा?वा च्हेन माङ्च्वाडा तोतो-तोतो थेन्मा तारोक्तु॥ इङ्खिङ्बेला माङ्च्वा ताम्दाङ्फुमाबे खिङ् प्याक लेक्सा, नाबे?हा घाक हिङ्गिलिक्हा जिवातचि, या?मिचि एको चा इङ्हिडानिन्, घाक माङ्च्वाडा नास्टा न्लेक्सा॥

इखिङ् बेलाकडा माङ्च्वा ताम्दाङ्फुमाबे ए होम्बोक फाखेङ् लेन सोम्मा वायामासा॥ इलेन निङ्वाफुमाडा नोआ नुङ् न्ना होङ्गा?वाबे इवायाहाचि मितुचि॥ न्हाडा उडा हि?वा फेम्तेतु, न्हाङ् हि?वाडा ताम्दाङ्फुमा बे?हा माङ्च्वा हेन्दिसाङ् हेन्दिसाङ् ख्या॥ नोआ या होम्बोक ए फिम्बिलिङ् तासुनिङ् ताम्दाङ्फुमाबे थोमाहा घाक माङ्च्वा हेराब्या॥

निङ्वाफुमाडा नोआ खा?ला लु, “न्दा,न्ज्या-न्दाङ्मेक्चि,इहिङ्खुमा घाक बाइरा लोन्दानि॥ न्हाडा न्दानुङ् इखिङ् जिवातचि इवान्ने इखाचि चा घाक बाइरा लोन्दुचि॥ इखाचि घाक ताम्दाङ्फुमाबे प्याक प्याक लेङ्साङ् इखे?नि॥” इखा?ला निङ्वाफुमाडा ताम्दाङ्फुमाबे इवायाहा घाक थोक नास चोगुनिङ् धारमोति या?मि नोआ नुङ् उका पारिवार,न्हाडा उङ्नुङ् होङ्गा?वाबे इवायाहा जिवातचि च्हेन न्ना जालपारलाया भाङ् हिङ्मेतुचि॥

४. नोआनुङ् निङ्वाफुमाडा युक्सुना बाचा

नोआ उका जहान पारिवार नुङ् होङ्गा?वाबे इवायाहा घाक जिवातचि जालपारलायाभाङ् इहिङ्बाब्याहोङ् इखाचि निङ्वाफुमाडा लुचिहा लो?वा बाइरा न्लोन्दा॥ न्हाडा निङ्वाफुमाडा फेरि इखाचि खा?ला लुसाङ् आसिक पिचि, “न्निङ्दा पुसाङ् पुसाङ्, प्याक प्याक लेङ्साङ् ख्यानि॥ न्हाडा न्निङ्गा प्याक च्याचि न्लेङ्नि॥”

न्हाडा निङ्वाफुमाडा फेरि नोआ नुङ् उच्याचि खा?ला लुचि, “न्निङ्दा न्हाडा, न्निङ्गा सान्तानचि, न्हाडा होङ्गा?वाभाङ् लोन्दिघा घाक जिवातचिनुङ् का एको बाचा थुन्दाङ्॥ हाकु घाक जिवातचि, हे?निङ्चा खा?ला जालपारलायागा माङ्च्वाडा का नास्टा न्जोग्वाङ्चिडान्हा॥ न्हाडा फेरि हे?निङ् चा ताम्दाङ्फुमा जालपारलायाडा नास्टा न्लेङ्मेन्ना॥ न्ना बाचा न्निङ्दा, नुङ् न्निङ्गा सान्तानचिगा पुस्ता पुस्ता सोम्मागा लागि लेङ्मे?ना॥ न्नागा चिङ्गो च्हेन ना लेङ्मे, का खिम्फुरुम्माबे एको नाम्झिलिङ्मे युक्स्वाङ्, न्हाडा इबेलाक खिम्फुरुम्माबे नाम्फिलिङ्मे ओम्मे इखिङ् बेलाकडा का न्निङ्दा घाकनुङ् युक्साना बाचा मित्वाङ्॥ न्हाडा का फेरि हे?निङ् चा ताम्दाङ्फुमाबे इवे?हा जिवातचि नाष्टा न्जोग्वाङ्चिडान्हा॥”

५. आब्रहाम

निङ्वाफुमाडा नोआ नुङ् बाचा थुन्दिहोङ्, उडा आसिक पिचिहा लु?वा माङ्

ताम्दाड्फुमाबे या?मिचि पुसाड्-पुसाड् इख्या॥ इखाचि माध्येबे एको आब्राहाम बाड्ना या?मि निड्वाफुमाडा उड् भाड्माड् घाक जातिगा या?मिचिडा आसिक न्दोक्तुनि भोड् सेगुक्सा॥

इलेन निड्वाफुमाडा उड् खा?ला लु, “इगा खाम्युक, कूटुम्बाचि घाक नाओचिघोड्, का सो?मेमेनेन्ना खाम्युकपे ख्या॥ का न्दा भाड् एको माना जाति चोग्वाड्॥ न्दा का आसिक पिम्मे?नेन, न्हाडा न्दा माड् आसिकका मुल लेड्मेका, न्हाड् न्दा भाड्माड् ताम्दाड्फुमा बे?हा घाक जातिगा या?मिचिडा आसिक न्दोक्त्वाहा॥”

न्हाड् निड्वाफुमाडा लुहा लो?वा माड् आब्राहामडा ओयेछा लुत नुड् उहिड्खुमा सारा खेतुचिहोड् न्ना भाड् निड्वाफुमाडा सो?मेतुना ठोड्बे ख्या॥

इखा?ला आब्राहामडा निड्वाफुमागा चे?या येनुहाडा निड्वाफुमाडा उड् प्याक आसिक पि॥ उका प्याक नोकारचाकार पोसुपारनि न्लेक्सा न्हाडा प्याक याड्सा चा लेक्साहोड् थुड्दुना या?मि लेक्सा॥ न्हाडा उका ओएछा चा इखा?लामाड् निड्वाफुमाडा प्याक प्याक आसिक पि॥ इखा?ला उड्चि हिपापाड् थुड्दुहा या?मिचि लेक्साचि॥

न्हाडा इखाचिगा प्याक पोसुपारनि, याड्सा लेक्साहाडा उड्चि सोरि वामा इयासान्चिन्, न्हाडा उड्चि फोकसाचि॥ लुत च्हेन सादोम पोटि ख्या, न्हाडा आब्राहाम च्हेन निड्वाफुमाडा हेब्रोण पोटि ख्या लुहोड् न्ना पोटि ख्या॥ न्हाडा उड्चि न्नाबे तासाचुहोड् पाल टागाचोगाचुहोड् वायाचि॥

इलेन निड्वाफुमाडा आब्राहाम खा?ला लु, “आब्राहाम न्दा इगिसितान, न्दा जोगाचोक्खुबा काडान माड् ओम, इगा इनाम माडा लेड्मे?ना॥” न्हाडा आब्राहामडा खा?ला लु, “न्दा का इना इनाम पिम्मेड्गाना? आखिर आका खिड् सोम्मा एको आच्या चा मान॥ हाकु आका हाकवाला गो आका पाड्बे वाखुबा नोकार माड् लेड्मे॥”

न्हाडा निड्वाफुमाडा आब्राहामगा ओचे?या खेप्सुहोड् खा?ला लु, “न्ना या?मि इगा हाकवाला न्लेड्मेन्ना॥” इगा इहिड्खुमा साराडा माड् एको उच्या तोक्त्वा, न्ना माड् इगा हाकवाला लेड्मे?ना॥” न्हाडा निड्वाफुमाडा आब्राहाम बाड्ना खेतुहोड् ताड्खेड् पोटि चोक्चोकिचि सोप्मेसाड् खा?ला लु, “इखा चोक्चोकिचि नि?मा यास्वाचिघा? इगा सान्तानचि चा इखा?लामाड् प्याक न्लेड्मेहा॥” निड्वाफुमाडा लुहा खा चे?या आब्राहामडा चा बिस्वास चोगु॥

न्हाडा न्नागा ए फिम्बलिङ् हेक्साङ् निङ्वाफुमाडा आब्राहाम लुना लो?वा माङ् पाघ्याम, माघ्याम लेक्साब्याचिना बेलाकपे एको उङ्चि च्या तोक्ताचु॥

६. सादोम गामोरा

सादोम नुङ् गामोरा साहारचिबे पाप प्याक लेक्साहोङ् इखा साहारचि मि नुङ् गान्धाकडा नास्टा चोक्से निङ्वाफुमाडा उका हिप्पाङ् वालोकदुतचि पाक्सुचि॥ इखिङ् बेलाक लोत बाङ्ना एको या?मि उका जाहानचि नुङ् सादोम साहारबे वाया॥

इलेन निङ्वाफुमागा हिप्पाङ् वालोकदुतचि लोत वायान ठोङ्बे तायाचिहोङ् खा?ला लुयाचु, “लोत, इगा आफान्ताचि खेतुचिघोङ् ना साहार भाङ् लोन्दाखेब्या॥ इजाङ्बाङ्निङ् निङ्वाफुमाडा खा साहारचि नास्टा चोघेक्सुचिहा॥” न्हाडा इखा चे?या खेप्सुहोङ् लोत उका लेङ्खुबावाला उताबाङ्चिगाबे ख्याहोङ् खा?ला लुचि, “कानिङ् नाभाङ् खेड्बि इजाङ्बाङ्निङ् निङ्वाफुमाडा खा साहारचि दान्डा पिहेक्सुचिहा, नास्टा चोघेक्सुचिहा॥” इखा?निङ्गो इखाचिडा उका चे?या इखेप्सुनिना॥ माङ् उलाङ् न्जोक्तुबि॥ न्हाडा उङ्चि खा?ला म्मिता ना पाघ्यामडा लेमाचाया ओम, न्हाडा उङ्चि ना साहारबे?माङ् इवायामासा॥

न्हाडा भेनिक ओम लेक्सेहेक्साना बेलाकबे निङ्वाफुमागा वालोकदुतचिडा लोत खा?ला लुसाङ् आतुरि ला न्जोगु, “न्दा पोगा, न्हाडा नाभाङ् न्दा, इहिङ्खुमा, न्ज्या मामुचि खेतुचिघोङ् हानि खेब्या॥ मानुङ् ना साहार आहेक्साना दान्डाबे न्निङ्दा चा आइवाघा॥” इखा?निङ्गो उङ्चि खेम्बे न्जोगानिन आल्लेङ् टाल्लेङ् न्जोगामासा, आङ्धिङ् न्जोगामासा॥ न्हाडा निङ्वाफुमागा वालोकदुतचिडा इखाचि उङ्चि मुक्पे न्नाबुचिहोङ् साहारभाङ् बाइरा न्लोन्दुचि॥ न्हाडा एको वालोकदुतडा खा?ला लुचि, “न्निङ्दा नाभाङ् हेक्साङ् मेहिङ्ले सोरोसोरो माङ्दु खेब्यानि॥”

न्हाङ् इखा वालोकदुतचिगा साला खेप्सुहोङ् लोतडा खा?ला लुचि, “हाङ्बाचि खा?ला न्लेङ्निन्नि, का माङ्दु लाम्मा इयामेडान, आका लागि युयुन्ना एको नाजिकना साहारबे खेप्मा पिया, न्नाबे ख्याङ्भोङ् का हिङ्मेङ्ना लोप्पि॥” न्हाङ्डा वालोकदुतडा लु, “लेङ्मे?ना, इगा चे?या का खेप्सुङ्, इगा लागि हाक् कु का ना मिना साहार नास्टा न्जोग्वाडाजा, न्नाबे न्दा हानि खेब्या॥” न्हाडा लोत नुङ् उका जहान्चि नाभाङ् इख्या॥

उङ्चि सोआर बाङ्ना साहारबे न्दासुनिङ् नाम लोन्दाब्यामासा, इखिङ्बेलाकडा निङ्वाफुमाडा ताङ्खेङ्भाङ् मि नुङ् गान्धाक आएन्दु॥ न्हाङ् इखा सादोम नुङ् गामोरा

साहारचिघाक मिडा नास्टा चोगुचि॥ न्नाबे इ-वायाहा घाक पापि या?मिचि जिवातचि मिडा तुन्दिसिचि॥

इ-खा?ला निड्-वाफुमाडा सादोम नुड् गामोरा साहार मिडा नास्टा चोगुचिनिड्, दान्डा पिचिनिड्-न्नाबे वायाना एको धारमोति या?मि लोत नुड् उका पारिवारचि च्हेन निड्-वाफुमाडा न्ना दान्डाबे आमा म्बिन्चिन, न्हाडा उड्चि इ-हिडा॥

७. मोसागा वाम

आब्राहामगा उयाड्-मेन याकुबका एहि जाना उच्यचि इ-वाया, इ-खाचिबे योसेफ च्हेन याकुबडा तुक्नुड् उलुड्-मा तुक्तु॥ इ-खा न्निनुहोड् उफुचिडा च्हेन उड् इसि?नुड् सो?मा न्दारोक्तु॥ न्हाडा योसेफ इ-खाचिडा मिसारा खाम्युकपे?हा बेपारिचि नुड् इ-डि-नुचो॥

जोबो इ-खा बेपारिचिडा योसेफ मिसारा खाम्युकपे न्दामेतु, न्दामेतुहोड् उड्चिडा एको कप्तानबे इ-डि-नुचो॥ न्हाडा योसेफ काप्तान नुड् वामा तारोक्तु॥ जोबो उड् काप्तान नुड् वासाड् ख्या, उड् नुड् काप्तानडा चोगाच्चाहा घाक काम उचुन लेड्-साड् ख्या॥ इजाड्-बाड्-निड् निड्-वाफुमा योसेफ नुड् वाया॥ निड्-वाफुमा योसेफ नुड् वायाहोड्-माड् उड् हेक्साड् घाक मिसारा खाम्युक छोड्-बे चोक्तोक चोक्खुबा या?मि लेक्सा॥

इमा घाक ठोड्-बे माडा आनिकाल ताया॥ न्ना हाकिनड् ओन्दाड्, योसेफडा अनिकाल ताये?ना बाड्-ना चे?या निड्-वाफुमाभाड् थातोक्तुहोड् उडा प्याक चाचि?या लुप्सुक्सा॥ न्हाडा जोबो घाक कायुड्-लेन भोरि माडा आनिकाल ताया, इ-खिड् बेलाकडा चाचि?या इन्से भोड् घाक या?मिचि उड्-बे न्दाया॥ इ-खिड्-बेलाकडा योसेफका पारिवारचि चा इजिरिलबे आनिकालबे इ-डायामासा॥ न्हाडा उडा उका घाक पारिवारचि चा मिसरा खाम्युकपे काहेतुचि॥

न्नागा माड्-फा हेक्साड् योसेफका पुस्ताचि न्स्याबेहोड्, न्ना खाम्युकपे एको हेकोना हाड् लेक्सा॥ न्ना हाड्-डा च्हेन इजिरिलचि इसि?नुड् सो?मा तारोक्तुचि॥ न्हाडा घाक इजिरिलचि न्नाबे?हा या?मिचिडा चा तुक्नुड् तुखि पिप्मा न्दारोक्तुचि, छाक्हा काम एम्मा न्दारोक्तुचि॥ इजाड्-बाड्-निड् इजिरिलचि प्याक प्याक पुसाड् इ-खेप्मास्या, न्हाडा उड्चिडा खा?ला म्मिता, खाचि हाकु प्याक न्लेड्-मेहोड् एड्-गा सात्तुरचि नुड् न्दोड्-मेहोड् कानिड् नुड् लाडा इ-न्योड्-मेहा लोप्पि॥ इ-खा?निड्-गो उड्चिडा इ-खिड् तुखि म्बिचि इ-खिड् माड् पुसाड्-पुसाड् इ-ख्या॥

न्हाडा इलेन हाड्डा उका या?मिचि खा?लाना आगगे पिचि, “खा इजिरेलिविडा इखिड्ड उड्डि च्या बाबुचि न्दोक्त्वाचि इखाचि घाक न्निड्डा निल होड्डमाबे लेप्ताहाक्ताब्यानुम्चिमा॥ इखा?निड्डगो उड्डि च्या मामुचि च्हेन इच्चा न्जोगाक्ताब्यानुम्चिम्निन, इखाचि हिड्डगिलिक इवनि॥”

इखिड्ड बेलाकडा माड्ड एको इजिरेलि मामुडा एको उच्या बाबु तोक्तु॥ न्ना उच्या उचुन्माच्याक्ना साया॥ इखोड्डमाड्ड उमाडा चा तुक्नुड्ड उलुड्डमा तुक्तुहोड्ड सुम मोनाम सोम्मा च्हेन चुमुक्सा, इखा?निगो न्नाहाड्डतो चुप्निमा इयासुन्होड्ड एको टोकारि बानाचोगुहोड्ड, न्नाबे एन्टु न्हाडा निल होड्डमागा किनारबे युक्सोओ॥

इखिड्ड बेलाकडा फारो हाड्डगा उच्या मामु नुहाबाचोक्से न्ना ठोड्डबे ताया॥ नुहाबाचोक्मास्यानिड्ड उडा न्ना टोकारि निसु॥ न्हाडा न्ना इना ओम भोड्ड उका नोकारचि सोप्मेतुचि॥इखिड्डबेलाकडा उडा न्ना टोकारिबे एको उचुन्ना पिछा हाप्मास्याना निसु॥ उडा न्ना पिछा निसुहोड्ड उलुड्डमा तुक्तुगेतु, न्हाडा न्ना पिछा सो?मेमागा एको मामु या?मि योक्मेतुचिहोड्ड न्ना मामु या?मि खा?ला लु, “ना पिछा का उचुन सोताब्याड्ड, इखागा जेला का पिम्मे?नेन्हा॥” न्ना मामु या?मि न्ना पिछागा उमा ओमभोड्ड इसाडाचा चा था म्मायान॥ न्हाडा न्ना मामुडा न्ना पिछा सो?मागा उपाड्डबे खेतु॥

जोबो न्ना पिछा मिमाडा लेक्सा, न्हाडा न्ना फारो हाड्डगा उच्या मामुडा उपाड्डबे खेतु॥ न्हाड्ड न्नागा उनिड्ड उडा मोसा युक्सुबि॥

८. मोसागा वाम २

जोबो मोसा माडा लेक्सा, न्हाड्ड उफु उनुन्छा इजिरेलि या?मिचिगाबे खया॥ इखिड्ड बेला मिस्त्रा खाम्युकपे?हा या?मिचिडा इजिरेलिवि तुक्नुड्ड तुखि म्बि?मास्या॥ न्हाडा इजिरेलिविडा च्हेन कानिड्ड मिस्त्रि या?मिचिगा मुक पाहाड्ड फोक्सा भोड्ड निड्ड्वाफुमानुड्ड पारथाना न्जोक्मास्या॥ निड्ड्वाफुमाडा चा इखाचिगा पारथाना खेप्सु, न्हाडा इखाचि फोड्डमागा निड्ड्वाफुमाडा मोसा सेगु॥

इलेन निड्ड्वाफुमाडा मोसा काहोड्ड खा?ला लु, “का आब्राहाम, इसाहाक नुड्ड याकुबका निड्ड्वाफुमाडान॥ मिस्त्रा खाम्युकपे डो?याहा आका या?मिचिगा तुखि का निसुक्सुड्ड॥ उड्डि आत्याचारबे इडायाहोड्ड न्जोगुहा पारथाना का खेप्सुक्सुड्ड, न्हाड्डामाड्ड न्दा न्नाबे खे?काहोड्ड इखा आका या?मिचि मिस्त्रा खाम्युकपाहाड्ड लोन्दापुचिघोड्ड उचुन्ना माना

खाम्युकपे ताचिगानिभोड् न्नाबे?ना हाड्गाबे पाड्-न्हेड्-नेजा॥”

न्हाडा निड्वाफुमाडा लुहा लो?वामाड् मोसाडा उफु हारुन तिकतेहेतुहोड् मिस्रा खाम्युकपे ख्याचि॥ हाड्-गाबे तासाचुहोड् उड्-चिडा खा?ला लुयाचु, “इजिरेलि या?मिचि ल्याहाक्सुचि॥” इ-खा?निड्-गो न्ना हाड् इ-गाक्सान॥ न्नागा हेक्सड्, निड्-वाफुमाडा मोसागा हिड्-लुड्-भाड् प्याक आचाम्मा आचाम्माहा काम चोगु॥ इ-खा मिस्रि या?मिचि प्याक खालगा बिपात्तिबे आमेतुचि॥ इ-खिड् होड्-चा उडा इजिरेलिचि लेन्हाड्-मा इ-गाक्सान॥ न्हाडा निड्-वाफुमाडा एको खा?लाना बिपात्ति इ-खाचिबे पाक्सु॥ न्ना बिपात्तिबे न्ना खाम्युक भोरिहा या?मिचि, पोसुचि घाक्का तुम्ना उच्या च्हेन निड्-वाफुमाडा सिसुबिचि॥

इ-खिड् बेलाक मिस्रा खाम्युकपे?हा घाक या?मिचिनुड्, हाड्-गा पारिवारबे चा हाप्मारुड् लेक्स, न्हाड् घाक या?मिचि चा इ-गिसिता॥ न्हाडा इ-खिड् लेक्सब्याहोड् च्हेन हाड्-डा मोसा नुड् हारुन काप्मेतुचिहोड् खा?ला लुचि, “न्निड्-दा नाभाड् खेब्यानि, मानुड् कानिड् चा सिड्वाडाहा लोप्पि॥ न्निड्-दा नाभाड् खेड्घोड् न्निड्-गा निड्-वाफुमागा आराधना चोगानुम॥” न्ना लेनमाड् निड्-वाफुमाडा इजिरेलिचि मिस्रा खाम्युकपे?हा या?मिचिगा मुक भाड् फोक्सपुचि॥ न्हाडा इ-खाचि उचु-न्ना कानान खाम्युकपे तामेप्मागा लागि ले?निड् खिम्फुरुम्मागा खाम्बा, न्हाडा सेत्तिड् मिगा खाम्बा लेड्-साड् तिकतुचि॥

इजिरेलिचि न्ना भाड् इ-खेब्याहोड् हाड्-गा उनिड्-वाबे खा?ला मिता, इजिरेलिचि ओन्डाड्हा लु?वामाड् नोकार चोक्माचि तायाना॥ न्हाड् उडा उका प्याक काड्-बाचि पाक्सुचि॥ इ-खाचिडा इजिरेलिचि लाल सामुन्दारगा उयुम्बे न्दुप्सुचि॥ इ-खिड्-बेलाक इ-खा इजिरेलिचि तुक्नुड् इ-गिसिता॥ न्गिसिताना बेलाक मोसाडा इजिरेलिचि खा?ला लुचि, “न्निड्-दा इ-गिसितानि॥ इ-खा?निड्-गो निड्-वाफुमाडा न्निड्-दा इमिन खाचिगा मुकपाहाड् फोक्सहेक्सघा इ-खा बारेबे सोयानुम॥ लोप न्निड्-दा निमासि?वाघा खा मिस्रि या?मिचि हाकु न्निड्-दा हे?निड् चा न्निमा न्दोक्त्वाभिचगान्हा॥ खाचिनुड् न्निड्-गा लागि निड्-वाफुमा माड् लाडाइ चोड्-मे?ना॥”

न्हाडा निड्-वाफुमाडा मोसा खा?ला लु, “म्मुक सामुन्दारा पोटी सोसु॥” न्हाडा उडा उमुक सोसु॥” इ-खिड्-बेलाक निड्-वाफुमाडा माडा हि?वा फेम्मेतु, न्हाडा सामुन्दारा हिच भाग लेक्सहोड् उलुम्बे फुक्कोना खाम ओता॥ न्हाडा उड्-चि न्ना फुक्कोना खाम लेड्-साड् न्नामाख्या॥ इ-खा न्निनुहोड् मिस्रा खाम्युकपे?हा काड्-बाचिडा चा, उड्-चि हेक्सड् हेक्सड् इ-डि-क्तुचि॥ जोबो इ-खाचि सामुन्दारागा उलुम्बे न्दासु, इ-खिड् बेलाक निड्-वाफुमाडा मोसा

खा?ला लु, “म्मुक फेरि सामुन्दारा छोड्बे सोसु, न्हाडा इखा मिसरा खाम्युकपे?हा किथिरिक्पाचि छोड्बे सामुन्दारागा माड्च्वा लात्नाम्नि॥” न्हाडा निड्वाफुमाडा लुहा लो?वा माड् मोसाडा चोगु॥ इखिड्बेलाक सामुन्दाराबे?हा माड्च्वा ओन्दाड्ना ठोड्बे लासा आबा, न्हाडा इखा मिसरि काड्बाचि माड्च्वाडा लुप्सेहेतुचि, उड्चि एको चा इहिडानिना॥ इखा?निड्गो इजिरेलिचि च्हेन फुककोना खाम लेड्साड् सामुन्दारा इगाक्तु॥ इजिरेलिचिडा खा घाक चे?या न्निसुहोड् निड्वाफुमानुड् इगिसिता न्हाड् उड्माड् निड्वाफुमा ओमभोड् बिस्वास न्जोगु॥

९. आगामबानिगा ताप्लिक

निड्वाफुमाडा दाउद हाड् बाचा पिनागा मि?याड् हेक्साड्, इजिरेलिचिबे चा एको सालेन हाक्सु॥ न्ना सालेन ताखुबा या?मिगा उनिड् यासाइया साया॥ उडा एको माध्यास्थाकातीगा उतुम्बे खा?लाना सालेन पिचि, “सोयानुम एको थाड् मेन्छेड्लेना कान्ये मामुडा ओफोक ख्वा, न्हाडा उडा एको उच्या बाबु तोक्त्वा॥ उका उनिड् इम्मानुयाल युड्मे॥ न्नागा तुम्बला ओम निड्वाफुमा कानिड्नुड्॥ उडा एड्गा पापका दान्डा आड्द्वा॥ न्हाड् कानिड्बे हाड्हाड् ताप्माना दान्डा उड्छोड्बे आम्मे॥ उडा तुखाबाड्चि नुमेत्वाचि॥ न्हाडा उड् आचाम्मागा साल्लाहाकार नुड् हाड्हाड् पिखुबाभोड् लुम्मे॥ उडा या?मि नुड् निड्वाफुमागा उलुम्बे माध्यास्थातागा काम चोग्वा॥ प्याक या?मिचिगा पापका दान्डा उडा आड्द्वाहोड्, इखाचि धारमोति बानाचोग्वाचि॥ उडा इखिड् तुखि तोक्त्वाहोड् चा उका हिड्लुड्बे निड्वाफुमागा उनिड्वालो?वा नुड् उका योजना पुरा लेक्साहा निस्वाहोड् उड् इब्बे इब्बे चोन्सम्मे॥ उका राज्या, उका हाड्युकथाम हे?निड् चा म्मेमेन , न्हाडा उडा दाउदका हाड्युकथामबे हाड्हाड्, धारमिकता नुड् निरिक् कायाम चोक्साड् साथाइ भोरि उडा राज्या चोग्वा॥”

१०. हाड् दाउद

ताम्दाड्फुमाबे या?मिचि पुसाड् इख्याहोड् प्याक राज्या, हाड्चि चा न्लेक्सा॥ इखिड् बेलाकडा इजिरेल खाम्युकपे चा एको हाड् वाया॥ न्ना हाड् निड्वाफुमाडा उका चे?या इडेनुन्होड् इन्कार चोग्क्सा॥ न्हाडा न्नाबे एको निड्वाफुमाभाड् चेक्खुबा चा वाया, न्ना निड्वाफुमाभाड् चेक्खुबा निड्वाफुमाडा हाड् इन्कार चोगुनाडा उनिड्वा न्दुगामासा॥

इलेन निड्वाफुमाडा न्ना निड्वाफुमाभाड् चेक्खुबा खा?ला लु, “इजाड् खा?ला न्निड्वा तुक्मेत्वागाना? का ना इजिरेल खाम्युकका हाड् लेड्मागा एको या?मि सेगिक्सुड्ना॥

हाकु न्दा बेथलेहेम साहारवे?ना यिसाइगा पारिवारबे ख्या, न्हाड् हे?ना या?मि का हाड् आभिसेक चोगु लुमे?नेन, न्ना या?मि न्दा हाड् अभिसेक चोगु॥” खा चे?या खेप्सुहोड् निड्वाफुमाभाड् चेक्खुबाडा निड्वाफुमा खा?ला लु, “का इमिन खेकडाहोड् हाड् आभिषेक चोगुड्? हाड् आभिसेक चोकमागो मेन्ना खा चे?या खिड्बेलाकना हाड्डा खेप्सु से भोड् चा का सित्तिमेड्ना॥” निड्वाफुमाडा फेरि खा?ला लु, “न्दा ख्याघोड् का नाबे निड्वाफुमागा आराधाना चोक्से तायामाड्ना भोड् लुचि, न्हाडा का लुत्नेन्हा या?मिचि चा काचि॥ न्हाडा इखा काम चोगु॥” न्हाडा न्ना निड्वाफुमाभाड् चेक्खुबाडा आभिसेक चोकमाहा किवा खेतुहोड् बेथलेहेम तेनबे ख्या॥

आगामबाक्ताडा बेथलेहेम तेन्बे ख्याहोड् निड्वाफुमाडा लुहा लो?वामाड् या?मिचि काचि॥ न्हाडा घाक या?मिचि चा न्नाबे न्छुप्सा॥ इखिड्बेला निड्वाफुमाभाड् चेक्खुबाडा यिसाइगा उच्याचि एको एको चोक्साड् उयुम्बे काचि॥ घाक हाक्निड् ओन्दाड् तुम्ना का, न्हाडा उडा खा?ला सो चात्तु नुड्, उचुन्माच्याक निस्सु॥ न्हाडा खा?ला मिता, निड्वाफुमाडा सेगुना हाड् नामाड् लोप्पि, ना आभिसेक चोकमा तायाना॥ इखा?निड्गो इखिड्बेलाक निड्वाफुमाडा खा?ला लु, “का सेगुड्ना या?मि न्ना मेन्ना॥ इजाड्बाड्निड् या?मिडा उड्चि जिउडाल, नाचिक न्स्वा, इखा?निड्गो का उड्चिगा निड्वा स्वाड्ना॥” न्हाडा छालुम्बा का, न्ना चा मेन्ना लु, इखा?ला माड् उडा घाक पालो पालो काचि, इखाचिबे हे?ना चा ओम भोड् निड्वाफुमाडा न्नुना॥

न्हाडा न्ना निड्वाफुमाभाड् चेक्खुबा यिसाइगाबे ख्याहोड् खा?ला लुसाड् छिम्दु, “इगा न्ज्याचि खिड्सेहाचि ?” यिसाइडा खा?ला लु, “आका एको पाक्ना आच्या वान्ने, उडा सामुड्चि कोप्मासिम्मै?ना॥” न्हाडा निड्वाफुमाभाड् चेक्खुबाडा फेरि लु, “न्ना न्ज्या का?मेतुचि, न्ज्या मेन्दाले सोम्मा कानिड् न्हे इहा चा न्जोड्मेन्हा॥”

न्हाडा यिसाइडा उच्या कासे या?मिचि पाक्सुचिहोड् न्नाबे इगारा॥ उका उनिड् दाउद साया॥ इखिड् बेलाकडा निड्वाफुमाडा न्ना निड्वाफुमाभाड् चेक्खुबा खा?ला लु, “ना ओम हाड् लेड्मागा लागि का सेगुड्ना या?मि, न्दा ना आभिसेक चोगु॥” न्हाडा निड्वाफुमाभाड् चेक्खुबाडा आभिसेक चोकमाहा किवा उटुखुरुक्पे तुक्तेन्दुबिहोड् हाड् आभिसेक चोगु॥ न्ना आभिसेक चोकमानागा तुम्बला व्हेन वान्दिक्का लागि निड्वाफुमाडा हाड् सेगुना ओम बाड्ना चे?यागा एको चिड्गो साया॥

न्नागा माड्फा हेक्साड् दाउद हाड् लेक्सा॥ उड् हाड् लेक्साब्याहोड् निड्वाफुमाडा

इलेन एको खा?लाना बाचा पि, “का इगा हाक्वाला लेङ्मागा इगा सान्तान भाङ् माङ् एको या?मि पोग्वाङ्, न्हाडा उडा साधाइ राज्या चोग्वा॥ न्हाडा उका राज्या हे?निङ् चा म्मेम्मेन्ना॥ न्हाडा इगा घराना इगा राज्या आका आयुम्बे साधाइ स्थिर वान्नुङ्मे?ना॥”

११. सादराक , मेसाक नुङ् आबेदना गो

दाउद हाङ्डा तायेन चोगुहागा प्याक फिम्बलिङ् हेक्साङ् नाबुकदानेसार बाङ्ना या?मि बेबिलोन खाम्युक घाक्पे हाङ् लेक्सा॥ उडा एको माडा साम्याङ्गा मुरति चोगु॥ न्ना साम्याङ्गा मुरति सुखेङ् मिटार चान्चान सुखेङ् मिटार चाउडाइ साया॥

न्ना मुरति चोगिहोङ् आरपान चोक्मागा लागि उडा न्नाबे?हा घाक खाङ्खाङ्बाचि काक्साचि॥ आरपान चोक्मागा घाक या?मि न्छुप्साब्याहोङ् न्नाबे?ना एको या?मिडा खा?ला लुचि, “नाबे छुप्समिघा घाक या?मिचि, खाले खाले चे?या चेक्खुबा, घाक जातिगा या?मिचि खेप्सानुङ्, नाबे घाक्खालगा बाजाचि म्मोङ्मे, न्निङ्दा बाजाचि म्मोक्ताहा खेप्स्वाम्गाना सालोक ना साम्याङ्गा मुरति फोप्तानिघोङ् सेमेतानुम॥ इसाडा ना मुरति न्सेमेत्वान, न्ना या?मि मिगा भाट्टिबे लेप्नेम्मे?ना” न्हाडा इङ्खा?ला माङ् घाक खालगा बाजा म्मोक्तुचि, म्मोक्तुचिहा इङ्खेप्सुना सालोक न्नाबे न्छुप्साहा घाक या?मिचिडा न्ना साम्याङ्गा मुरति न्सेमेतु॥ इङ्खा?निङ्गो निङ्वाफुमागा सेवाकचि सुम्भाङ् सादराक, मेसाक नुङ् ओबेदनागो बाङ्हाचिडा च्हेन न्सेमेतुनिन॥

इङ्खिङ्बेलाक जोतिसिचिडा उङ्चिगा विरुद्दाबे हाङ् खा?ला लुसाङ् छुल म्बि, “हाङ्बा न्दा खा?ला कायामागा इसा या?मिडा ना साम्याङ्गा मुरति न्सेमेत्वान, न्ना या?मि मिगा भाट्टिबे लेप्नेम्मे?ना॥ इङ्खा?निङ्गो नाबे सुम्भाङ् या?मिचि इङ्वान्ने सादराक, मेसाक नुङ् आबेदनागो इङ्खाचिडा न्दा बानाचोगुगाना साम्याङ्गा मुरति न्सेमेतुनिन्॥” न्हाडा इङ्खा खेप्सुहोङ् हाङ्गा उल्लिक एकता, उल्लिक एकताहोङ् उडा खा?ला लुचि, “इङ्खा या?मिचि न्हे तायानुम्चिमा॥”

न्हाडा इङ्खाचिडा सादराक, मेसाक नुङ् आबेदनागो न्नाबे न्दाचि, न्दाचिहोङ् नाबुकदानेसनरडा छिम्दुचि, “खाचिडा इगाहया चे?या जेप्पा ओम? न्निङ्दा का चोगुङ्ना साम्याङ्गा मुरति न्सेमेत्वाम्गान्ना? हाकु इमा घाक बाजाचि म्मोङ्मे इङ्खिङ्बेलाक चा न्निङ्दा न्सेमेतुम्गान भोङ् न्निङ्दा मिगा भाट्टिबे आइवाघा, इसाडा आका आमुकपाहाङ् हिङ्मे?मा यासिवाघा?” इङ्खा इङ्खेप्सुहोङ् सादराक, मेसाक नुङ् आबेदनागो निङ्वाफुमागा सेवाकचिडा च्हेन खा?ला न्नु, “कानिङ् आफाइ हिङ्मागा लागि इहा चा न्जोगि?वाडान्हा, इङ्खा?निङ्गो कानिङ् हे?ना निङ्वाफुमागा सेवा चोक्मासिङ्वाङ् न्ना निङ्वाफुमाडा माङ्

कानिङ् इगा मुक्पाहाङ् हिङ्मेप्पायामेहा॥ इहिङ्मेतान भोङ् चा कानिङ् इगा मुरति न्सेमेत्वाम्डान्ना॥” इखा खेप्सुहोङ् हाङ्गा तुक्नुङ् उछिक एक्ता, न्हाडा उडा भाट्टि ओन्दाङ्ना हक्विङ् ला गुना कुनुङ् कुमेतुचि॥ न्हाडा उका चात्तुहा काङ्बाचि खा?ला लुचि, “खा या?मिचि थुन्दानुम्बिङ्घोङ् मिगा भाट्टिबे लेप्तेन्दानुम्बिमा॥” न्हाडा उङ्चि मिगा भाट्टिबे न्लेप्तेन्दुचि॥ इखिङ् बेलाकडा मिगा भाट्टिबे लेम्नाहाङ्से खेखुबा या?मिचि मिडा तुन्धेतुचि, इजाङ्बाङ्निङ् मि माडा तुप्तामासा, न्हाडा भाट्टि तुक्नुङ् कुसामासा॥

इखिङ् बेलाकडा हाङ्गा भाट्टिबे मो सोएन्दुचि, उडा ना जाना या?मिचि मिगा भाट्टिबे निसुचि॥ न्हाडा उङ् छाक्कापोराचोक्साङ् खा?ला काया, “आरे कानिङ् सुम्भाङ् या?मि न्लेप्तेन्दाहा मेन्नाङ्? न्नाबेको ना जानाहाचिमिङ्॥ इखाचि खिङ्ना मिडा चा इच्चा इहाक्सुन्चिन, आइसा ओरिपोरिले न्नाम्घोमेहाचि॥ न्हाडा न्नाबे एको गो ज्ञान निङ्वाफुमागा उच्या लो?वाना॥” न्हाङ् उङ् मिगा भाट्टिगा उयुम्बे ख्याहोङ् सादराक, मेसाक नुङ् आबेद्नागो खा?ला लुसाङ् काचि, “निङ्वाफुमागा सेवाक सादराक, मेसाक, आबेद्नागो न्निङ्दा लोन्दाकयानि॥”

न्हाङ् इखाचि मिगा भाट्टि भाङ् न्लोन्दाक्या न्हाडा हाङ्गा खा?ला काया, “सादराक, मेसाक, आबेद्नागोगा निङ्वाफुमागा निङ् थेन्नि॥ उडा उका सेवा चोक्खुबा, उङ्बे विश्वास चोक्खुबा या?मिचि हिङ्मेप्पागा लागि उका वालोकदूत पाक्सुहोङ् खाचि हिङ्मेतुक्सुचिहा॥ खा?लाना सादराक, मेसाक नुङ् आबेद्नागोगा लो?वाना निङ्वाफुमा इसा चा मान्ना॥ घाकडा खेप्सानुम हाकु नाहाङ्तो इसा सादराक, मेसाक, आबेद्नागोगा निङ्वाफुमागा विरुद्दाबे चेङ्मे न्ना या?मिडा दान्डा तोक्त्वाहा॥”

इखा?ला नाबुकदानेसार हाङ्गा खाम्युक भोरिहा या?मिचि हाकु नाहाङ्तो इसा चा निङ्वाफुमागा विरुद्दाबे न्जेक्तानिन भोङ् आगो पिचि॥

१२. दानिएल किबागा खोबे

नाबुकनेसार हाङ्गा हेक्साङ् बेबिलोनबे दारा बाङ्ना या?मि हाङ् लेक्सा॥ उडा बेबिलोनबे तायेन चोक्मागा ए होम्बोक् हिचखेङ् जाना खाङ्खाङ्बाचि सेगुचि॥ इखाचिभाङ् चा उडा सुम्भाङ् माम्माहा खाङ्खाङ्बाचि सेगुचि॥ इखाचि माध्येबे एको दानिएल चा साया॥ दानिएल इखा घाक हक्विङ् चेन्दुना सायाहोङ् हाङ् दाराडा उङ् बेबिलोन खाम्युक भोरिगा तायेन्नाङ्बा चोघेक्सुसा॥ इखिङ् बेलाक न्नाबे?हा हेकोहा खाङ्खाङ्बाचिडा न्हेन उङ्चि नाहेन्दा न्हाडा उङ् आप्टिक एम्मागा लागि उका गाल्ति योक्मा न्दारीक्त्तु॥ इलेन

उड्चि खा?ला साल्लाहा न्जोगा, “कानिड् हाकु नागा कामगा उतुम्बे इहा चा इसि?हा गाल्लि तोक्मा इयासान, हाकु नागा धारमागा उतुम्बे आप्टिक एन्दुम॥” न्हाडा उड्चि हाड्गाबे इख्या॥

हाड्गाबे इख्याहोड् उड्चिडा खा?ला न्लु, “हाड्बा, हाकु एको खा?लाना नियाम चोगुम, हाकु सुखेड् लेन सोम्मा इसाडा चा न्दा बाहेक हेकोहा देवाता, या?मि पारथाना चोक्मा न्दोक्तुनिन्नि॥ इसाडा चोग्वाचि न्ना या?मि किबागा खोरबे लेम्नाहाड्नि॥”

न्हाडा हाड्डा उड्चिगा चे?या ठिक एतुहोड् इखा?ला नियाम चोगु॥ न्ना नियाम घाकपे हिसा, हाड्डा खा?लाना नियाम चोगुना बाड्ना चे?या दानिएलडा चा खेप्सु॥ न्हाडा उड् पाड्बे ख्याहोड् साधाइ लो?वा माड् तो तालाबे थाडाहोड् नुनिड्वा पिसाड् निड्वाफुमाबे पारथाना चोगा॥ पारथाना चोक्मास्यानिडा इखा आप्टिक एम्मा योक्खुबा या?मिचिडा न्दुप्सिसि॥ न्हाडा उड्चि हाड्गाबे इख्याहोड् हाड् खा?ला न्लु, “हाड्बा, न्दा खा?लाना नियाम युक्सुसुगा, इसाडा न्दा बाहेक हेकोहा या?मि देउदेउताचिबे पारथाना चोड्मे न्ना या?मि किबागा खोरबे लेप्नेम्मे॥ इखा?निड्गो नाबे एको दानिएल बाड्ना या?मि वान्ने न्नाडा इगा नियाम डयेन्वान्हा॥” खा चे?या खेप्सुहोड् हाड्गा तुक्नुड् उनिड्वा न्दुगा॥ इखा?निड्गो नियाम चोगि?थानाडा हाड्डा दानिएल किबागा खोरबे लेप्नेम्माना आगे पिचि॥

हाड्डा दानिएल खा?ला लु, “दानिएल न्दा हे?ना निड्वाफुमागा सेवा चोक्मासिम्मेका न्नाडामाड् न्दा हिड्मेकानि॥”

न्हाडा वान्दिकडा भेनिक कूचिककूचिक ओम लेक्साहोड् हाड् किबागा खोरगा उयुम्बे ख्या॥ न्हाडा दानिएल खा?ला लुसाड् का, “दानिएल न्दा सेवा चोगुगाना निड्वाफुमाडा हिड्मेतागाना?” दानिएलडा खा?ला काया, “हाड्बा, निड्वाफुमाडा उका वालोकदुत पाक्सुचिहोड् का हिड्मेतामाड्ना॥” न्हाडा इखा खेप्सुहोड् हाड् इब्बे इब्बे चोन्दास्या॥ न्हाडा दानिएल किबागा खोरभाड् लोम्मेतुचि॥ न्हाडा हाड्डा खा?ला लुचि, “दानिएलगा निड्वाफुमागा घाकडा आदार चोगानुमा॥ इजाड्बाड्निड् उडा माड् कानिड् हिड्मेखुबाओम, उडा माड् कानिड् फोड्मे॥ दानिएल चा उडा माड् किबा भाड् हिड्मेतुक्सुना॥”

१३. येसुगा वाम

दानिएल हाक्निड् प्याक फिम्बलिड् हेक्साड् एको या?मि वाया॥ उका उनिड् येसु साया॥ उका वाम खा?ला लेक्सा॥ उका उमा मारियाम दाउटका सान्तान योसेफ नुड् थाड्छेड्मागा न्नाक्तुक्सा॥ न्ना योसेफ एको धारमोति या?मि साया॥ उडा उड्चि थाड्छेड्मा

हाकिनड् ओन्दाड् मारियामडा ओफोक खुक्सुना बाड्ना चे?या था तोक्तुहोड् स्वाक नान्सिप्मागा चौगुक्सा॥

इलेन से?नि सेम्माड्बे एको निड्वाफुमागा वालोकदुतडा योसेफ खा?ला लु, “योसेफ न्दा मारियम इहिड्खुमा चौक्मा इगिसितान॥ इजाड् बाड्निड् उड्बे इसा वान्ने न्ना निड्वाफुमागा साक्ति भाड् वान्ने?ना॥ हाकु उडा एको उच्या बाबु तोक्त्वा, न्नागा उनिड् न्दा येसु युक्सुबि॥ इजाड् बाड्निड् उडा माड् या?मिचि पाप पाहाड् फोक्स्वाचिहा॥ हेन हाकिनड् प्याक फिम्बलिड् ओन्दाड् निड्वाफुमाभाड् चेक्खुबाचिडा न्जेक्तुहा चे?या पुरा लेड्मागा खा?ला लेक्साहा ओम॥ “सोयानुम एको थाड्न्छेडान्ना मामुडा ओफोक ख्वा, न्हाडा उडा एको उच्या बाबु तोक्त्वा न्नागा उनिड् इम्मानुएल युड्मे॥” न्हाडा योसेफ उयुप्मा भाड् चेन्दाक्या॥ न्हाडा वालोकदुतडा लुहा लो?वा माड् थाड्छेडु॥ न्हाडा उड्चि येसु मेवाले सोम्म सोरि इडिप्सान्चिन॥

इखिड् बेलाक तायेनराड्बा सिजार अगास्टास घाक रज्याभोरिहा या?मिचि न्निड्गा साहारबे खेड्घोड् निड् छेप्मेतानुम्बिम भोड् आग्गे पिचि॥ न्हाड् घाक उड्चि साहारबे निड् छेप्मेसे इख्या॥ योसेफ नुड् मारियाम चा दाउटका साहार बेथलेहेमबे ख्याचि॥ इखिड् बेलाकडा मारियामगा उच्या तोक्माना बेला ताया॥ न्हाडा उडा न्नाबे एको उच्या बाबु तोक्तु॥ योसेफडा न्ना उच्या गा उनिड् येसु युक्सुबि॥

१४. येसुडा फामाहोम्बोक या?मि चामेतुचिहा

येसु वायाहोड् उड् पुसाड् पुसाड् ख्या॥ न्हाडा उडा निड्वाफुमागा रज्यागा उतुम्बे पारचार चोक्साड् लाम्मा तारोक्तु॥ इलेन येसु होड्गा?वाबे थाडाहोड् इसाचा मे?निड्ना सुन्नेना ठोड्बे ख्या॥ इखा?निड्गो इखिड् बेलाकडा न्नाबे?हा प्याक या?मिचिडा चा येसु खेक्साना बाड्ना चे?या थान्दोक्तुहोड् साहार भाड् लाम्साड् येसुगा हेक्साड्-ला न्जोगा॥ येसुडा इखा प्याक या?मिचि निसुचिहोड् उलुड्मा तुक्तुचि॥ न्हाडा न्नाबे?हा घाक तुखाबाड्चि नुमेतुचि॥

नाम आयाहोड् चेलाचिडा येसु खा?ला न्लु, “चिन्खुबा, हाकु नाम चा आया, ना इसाचा मे?निड्ना सुन्नेना ठोड् ओम, खा या?मिचि पाक्साहाक्सुचि॥ योरोक तोरोक्हा तेनचिबे इखे?होड् उड्चि चामावामागा तारतुम्बि न्दोक्सुनि॥” इखा?निड्गो इखिड् बेलाक येसुडा खा?ला लुचि, “खाचि निड्दामाड् चामेड्बा पियानुम्बिम॥”

चेलाचिडा च्हेन हाड्बा येसु खा?ला न्लु, “न्हे कानिड् नुड्गो फा ओटा चालेप्पा नुड्

हिचिचि नासाचि से इवान्ने, खिड्हा या?मिचि इमिन खो?मेमाहाचि? हेकोहा चाम्योड्बा कानिड्नुड् इहा चा माना॥” न्हाडा हाड्बा येसुडा लुचि, “इखाचि न्हे आप्तानुम्चिमा॥” न्हाडा येसुडा इखा घाक या?मिचि चाउरबे युड्मेतानुम्चिमभोड् लुचि॥ न्हाड् इखा फा ओटा चालेप्पा नुड् हिचिचि नासाचि उमुकपे याड्चिहोड् वालोकपोटि सोसाड् पारथाना चोगा॥पारथाना चोगाब्याहोड् चालेप्पा एगु न्हाड् घाक या?मिचि हाप्साब्यानुम्चिमभोड् चेलाचि पिचि॥ चेलाचिडा इखा घाक या?मिचि इहाप्सुबिचि॥ न्नाबे?हा घाकडा खानुड् न्जो॥ इखोड्चा उड्चिडा न्नाबे एहिच डालो इगोबु॥ न्नाबे चाखुबा मामुचि, पिछानाछा बाहेक फा माहोम्बोकको वेम्फा या?मिचि से इवाया॥

१५. इसि?ना मुइडा याक्सुना या?मि नुयाना

हाड्बा येसुनुड् उका चेलाचि निड्वाफुमागा राज्यागा उतुम्बे पारचार चोकसाड् आचाम्मा आचाम्मागा काम चोकसाड् न्नामानिड्डा गेरासेनास बाड्ना ठोड्बे न्दासु॥ इखिड् बेलाकडा न्नाबे एको इसि?ना मुइडा लाबुना या?मि वाया॥ न्ना इसाडा चा उड्चि तायेन्बे युड्मा इयासुकसानिना॥ न्ना कोड्गु, सियापाड्खाबे लुक्ताघोन्दा, न्हाड् इखाबे?माड् उड् वाया घोन्दा॥ न्ना इसि?ना मुइडा लाबुना या?मिडा येसु निसुहोड् उगुम्बे लुक्तराया॥ न्हाडा न्ना या?मिबे वायाना इसि?ना मुइ खा?ला कासाड् चेक्ता, “हाड्बा येसु, घाक हाकिनड् तो वालोकपे वाखुबा निड्वाफुमागा उच्या, का तुखि म्ब्याडाना॥” इजाड्बाड्निड् इखिड् बेलाकडा हाड्बा येसुडा न्ना या?मिबे वायान इसि?ना मुइन्ना भाड् लोन्दाख्या भोड् आगे पिक्सा॥

हाड्बा येसुडा फेरि खा?ला लु, “इगा न्निड् इना ओम?” न्नाडा काया, “आका अनिड् फाउज ओम, इजाड्बाड्निड् कानिड् नाबे प्याक वे?नेतिड्हा॥”

न्नागा उयुम्बे?ना कोड्गुबे एको फाकिचगा माडा बागाल चा चारान्जोकमास्या॥ इखा इसि?हा मुइचिडा हाड्बा येसु उड्चि मुक फाकसाड् खा?ला लु, “कानिड् ना भाड् माड्दु न्लोन्धाक्सान, यु खा चाराचोकमान्सिम्याहा फाकिचबे पाक्सहाक्सा, कानिड् न्नाबे उड्वाड्हा॥” न्हाडा हाड्बा येसुडा चा इखा इसि?हा मुइचि, न्ना भाड् खे?माना आगे पिचि॥ जोबो इखा इसि?हा मुइचि फाकपे इड्दुया, इखिड् बेलाकडा माड् इखा फाकिच सामुन्दारापोटि लुक्साड्-लुक्साड् इख्याहोड् सामुन्दारागा माड्च्वाबे न्नुप्सास्या॥

इखा फाक कोप्खुबा या?मिचि च्हेन इखा निसुहोड् इगिसिता॥ न्हाड्, उड्चि तेन, साहार पोटि न्नुक्ताख्याहोड् घाक चे?या न्नाबे?हा या?मिचि इखेम्मेतुचि॥ न्नाबे?हा

या?मिचि चा, खा इहया लेक्सहा ओम भोङ् सोप्मागा लागि न्नाबे न्दाया॥न्नाबे न्दायानिङ्डा ओन्दाङ् चिहानबे लुङ्घो खुबा या?मि, न्नाबे उचुन्माचेक तेक वाहोङ् युडामासाना उङ्चिडा न्निनु॥ न्हाडा उङ्चि आचाम्मा मानान्जोगा॥

हाङ्बा येसु न्ना भाङ् खेक्सा सानिङ्, न्ना नुयाना या?मिडा खा?ला लु, “हाङ्बा येसु का चा न्दानुङ् लोङ्मेङ्ना॥” इखा?निङ्गो हाङ्बा येसुडा न्ना या?मि लोङ्मा म्बिना॥ उडा खा?ला लु, “न्दा बुरु म्बाङ्बे ख्याघोङ्, इगा लागि निङ्वाफुमाडा इहया चोगुहा, न्दा इमिन निङ्वाफुमाडा नुमेतागाना, खा चे?या घाक इगाग्निभाकचि योक्मेतुचि॥”

१६. मिक सुरुम्बा नुयाना

इलेन हाङ्बा येसु नुङ् उका चेलाचि न्नाम्मास्या॥ इखिङ्बेलाक उङ्चिडाएको मिकसुरुम्बा या?मि न्निनु॥ न्ना या?मि वायानिङ्डा माङ् उमिकडा मेनिखुबा सा॥ उका चेलाचिडा खा?ला लुसाङ् न्छिम्दु, “हाङ्बा येसु, इसाडा पाप चोगुहोङ् न्ना या?मि खा?ला लेक्साना लोप्पि?” न्हाडा हाङ्बा येसुडा च्हेन खा?ला लुचि, “न्ना या?मि इसाडा चा पाप न्जोगुहोङ् ना या?मि खा?ला लेक्साना मेन्ना॥ उप्पाडा चोगुहा पापडा खा?ला लेक्साना मेन, उमाडा चोगुहा पापडा खा?ला लेक्साना चा मेन्ना॥ इखा?निङ्गो निङ्वाफुमागा काम उङ्बे ओत्तिभोङ् खा?ला लेक्सहा ओम॥ न्हाडा हाङ्बा येसुडा खाम पोतुहोङ् लेप चोगु, न्हाङ् न्ना मिकसुरुम्बा या?मिगा उमिकपे नेक्तुबि॥ न्हाडा उडा खा?ला लु, “न्दा सिलोआम बाङ्ना तालाउबे ख्या, न्हाडा न्नाबे ख्याघोङ् न्नाचिक वासि॥”

न्ना या?मि चा हाङ्बा येसुडा लुहा लो?वामाङ् सिलोआम बाङ्ना तलाउबे ख्या न्हाडा उनाचिक वासि॥ इखिङ्बेलाकडा माङ् उडा उमिकडा निमा तारोक्तु, न्हाडा उङ् पाङ्बे लासा॥न्हाडा उका पाङ्निवाक्चिडा च्हेन न्ना या?मि न्निनुहोङ् छाक्का पोरान्जोगा, न्हाडा उङ्चि उङ्चि खा?ला इगाया, “आरे न्ना या?मि गो मिकसुरुम्बा सायाना मेन्नाइ? नाङ्चाङ्घोखुबा? न्हाडा न्नाबे कोइ कोइडा खा?ला इगाया, “न्ना मिकसुरुम्बा ओम्बा! इखिङ्डा च्हेन इगाया, “ना मिकसुरुम्बा लो?वाना च्हेन ओम इखा?निङ्गो न्ना या?मि गो मेन्ना॥

इखिङ् बेलाकडा न्ना मिकसुरुम्बा या?मिडा खा?ला लुचि, “का न्ना मिकसुरुम्बा या?मि ओम्डाना॥” न्हाडा इखाचिडा न्ना आन्धा या?मि न्छिम्दु, “न्दा इमिन मिक निखुबा लेक्सगाना? इमि म्मिक इहोसाहाचि?” मिकसुरुम्बाडा खा?ला लुचि, “एको येसु बाङ्ना या?मिडा खाम पोतुहोङ् लेप चोगु, न्हाडा आका आमिकचिबे एन्दाब्याङ्॥ न्हाडा आनाचिक

वासिसे सिलोआमगा तलाउबे पाक्साहाक्साड् न्डडा लुयाड्, 'सिलोआम बाड्ना तालाउबे ख्याघोड् न्नाचिक वासि' न्हाडा का इखा?लामाड् ख्याड्होड् आनाचक वासिड् इखिड्बेलाक नाहाड्तोमाड् का आमिकडा निमा तारोक्तुड्हा॥

१७. येसुडा कुहिक लामेतुना

इलेन येसु उका चेलाचिनुड् होड्गा?वाबे थाडा॥न्हाडा उका चेलाचि खा?ला लुचि, "कानिड् ना तालगा योप्पारिक खेड्॥" न्हाडा उड्चि योप्पारिक इख्या॥

इखेप्पास्यानिड् येसु होड्गा?वाबे इप्साख्यामासा॥ इखिड् बेलाकडा माडा कुहिक, वासिक ताया॥ न्हाडा होड्गा?वाबे माड्च्चा थोमाहोड् होड्गा?वा लुप्साखेक्सा सा॥ इखिड् बेलाकडा येसुगा चेलाचिडा उयुम्बे इख्याहोड् खा?ला लुसाड् म्बोगु॥" चिन्खुबा, चिन्खुबा कानिड् न्हे लुप्सिखेड्क्सिडाहा॥" न्हाडा हाड्बा येसु पोगाहोड् ना कुहिक, वासिक थिन्दु॥ इखिड्बेलाकमाड् न्ना कुहिक, वासिक लासा ख्या॥ न्हाडा उडा उका चेलाचि लुचि, "न्निड्गा विस्वास हे?नाड्?" इखा इखेप्सुहोड् इखा चेलाचि तुक्नुड् डगिसिता॥ न्हाडा आचम्मा माना चोक्साड् उड्चि उड्चि खा?ला इगाया, "ना इसा ओम? कुहिक नुड् वासिकडा चा उका चे?या य्येन्वाहा॥"

१८. येसु स्थाना

येसु वालोक राज्यागा उतुम्बे नुसाला खेम्मेसाड्, न्दुगाब्याहा या?मिचि नुमेसाड्, इसि?हा मुड्डा लाबुचिहा या?मिचि फोड्साड् लामा॥ इखा उडा चोगुहा आचाम्माहा काम यो खे तोमो घाक पोटी हिसा॥ न्हाडा प्याक या?मिचि उका हेक्साड् लान्जोगा॥ इखा न्निनुहोड् याहुदि हाड्खुबाचि, चिन्खुबाचिडा इमिन लाप्पाहोड् सिमाना भोड् साल्लाहा न्जोगा॥

इलेन हाड्बा येसु उका चेलाचिनुड् गेतसमानि बाड्ना फुड्साहाम्बे पारथाना चोक्से ख्यामासा॥ न्नाबे याहुदि हाड्खुबा, याहुदि ब्यावास्था चिन्खुबाचि, किथिरिक्पाचि न्दायाहोड् न्नाबु न्हाडा माहाड्खुबागा पाड्बे इखेतु॥ इखिड्बेला काड्याफा माहाड्खुबा साया॥ ज्ञाबे इखेतुहोड् घाक खाले मेन्हा मेनहा आप्पिड्क ड्डेन्दु, इखा?निड्गो येसु मेन्जेक्ले स्वाक वायामासा॥ उड्चिडा येसुबे इहा चा इसि?हा, उड् सिमा लाड्कहा बिरोड् तोक्मा ग्यासुनिन इखोड् चा सिमाना भोड् इगाया॥ न्हाडा किथिरिक्पाचिडा उड्चि खोक्माडा न्थोक्तु, कोरराडा म्मोक्तु, खिजे न्जातु न्हाडा कुरुसपे छु?नेम्मागा खाप्पारे बाड्ना ठोड्बे इखेतु॥

न्नाबे न्दामेतुहोड् हिप्पाड् खुसुबाड्चिगा उलुम्बे कुरुसपे न्छुएन्दु॥ इखिड्बेलाक येसुडा खा?ला कासाड् निड्वाफुमा पा नुड् पारथाना चोगा, "निड्वाफुमा आप्पा खा या?मिचि छेमा पिचि, इजाड्बाड्निड् खाचिडा इहा न्जोक्मान्निस्ममे

इखा उड्चिडा मेन्निलेन्जोक्मासिम्मे, खाचिडा कानिड् इहा चोक्मासिड्वाड्हाभोड् उड्चिडा था मान्ना॥”

हाड्बा येसुगा ओसोक्मा खेप्माना बेलाक, लेन लुम न्हाड्तो लेत्तिड् सुम मोक्तुनिड् सोम्मा घाक कुड्युम लेक्सा॥ इखिड्बेलाकडा हाड्बा येसुडा खा?ला कासाड् उका ओसोक्मा ल्याहाक्सु, “निड्वाफुमा आप्पा, निड्वाफुमा आप्पा, आका आत्मा न्दाबे सुम्पाचोग्वाड्गा॥” इखा न्निःसुहोड् किथिरिक्पाचिगा केप्टेनडा चा खा?ला कासाड् निड्वाफुमागा उनिड् थेन्दु, “जेप्पामाड् ना यम?मि गो निड्वाफुमागा उच्यामाड् सायामाना राड्छो॥”

हाड्बा येसुगा सेब्याहोड्, नासेकडा उका एको चेलाडा येसुगा लास पिलातासभाड् नाक्ताप्तुहोड् सुत्तिगा तेकडा कितु न्हाडा सियापाड्बे युक्सु॥ नामलेन भैनिक कृचिककृचिक ओम लेक्सानिड्डा हिप्पाड् मामु या?मिचि हाड्बा येसुगा सियापाड् सोसे ख्याचि॥ इखिड् बेलाकडा माडा लुक्लिबा ख्या॥ इजाड् बाड्निड् निड्वाफुमागा एको वालोकदुत ज्ञाबे वालोकभाड् उक्साहोड् न्ना सियापाड् एप्ताना लुड्ख्वाक काक्साहाक्सु॥ इखिड्बेलाक इखा कुखुबा किथिरिक्पाचिडा इखा न्निःसुहोड् तुक्नुड् इगिसिता॥

इखा?निड्गो इखा हिप्पाड् मामुचि चहेन वालोकदुतडा खा?ला लुचि, “न्जिड्दा न्गिसितान्चिन, इजाड्बाड्निड् का था वाञ्जे न्जिड्दा कुरुसपे न्छुसिना येसु योक्मा सिम्मैचिघा॥ इखा?निड्गो उड् नाबे मान्ना, उड् हिङ्गिलिक लेक्साब्यामाना॥ उड् न्जिड्दा हाक्विनड् ओन्दाड् गालिलबे खेप्मासिम्मे?ना॥ न्नाबे न्जिड्दा निमेचुगाना॥” न्हाडा इखा मामुचि न्नाभाड् इखा चे?या येसुगा चेलाचि योक्मेसे ख्याचि॥

१९. येसु वालोकपे ख्याना

हाड्बा येसु हिङ्गिलिक लेक्साहोड् नाखेड् लेन सोम्मा उका चेलाचि नुड् वाया॥ इखिड्बेला उडा का हिङ्गिलिकडाना भोड् प्याक पारमान सोप्मेतुचि॥ उडा निड्वाफुमागा राज्यागा उतुम्बे योक्मेतुचि॥

येसु वालोकपे खे?माना बेलाकपे उका घाक चेलाचि गालिल बाड्ना कोड्गुबे काचि॥ उड्चि न्नाबे न्दाब्याहोड् उडा खा?ला लुचि, “वालोक् नुड् ताम्दाड्फुमाबे?हा घाक चोक्तोक का तोक्तुक्सुड्॥ न्हाड्डा माड् न्निःसुहोड् ख्यानि, घाक या?मिचि नुसाला खेम्मेतानुम्बिघोड्चेला चोगानुम्बिचि॥ इसाडा नुसाला खेप्स्वाहोड् विस्वास चोग्वा न्नाडा से मुक्ति तोक्त्वाना॥ का इहा चिन्नुड्नेनिन, आगे पिन्नुड्नेनिन, इखा घाक उड्चि चा चोक्मा चिन्दानुम्बिचि॥ सोयानुम ना कायुड्लेन नास मेलेड्ले सोम्मा का न्निःसुहोड् वाम्मेड्ना॥”

खिड् लुइचिहोड् हाड्बा येसु उका चेलाचिडा न्सोहेक्सुनुड् वालोकपोटि चान्दाख्या, न्हाडा खिम्फुरुम्माडा एप्तेहेतु॥ इखिड्बेलाक न्नाबे थाप्थुम्बे हिप्पाड् फुहा तेक वाखुबा या?मिचि ओताचि॥ इखाचिडा येसुगा चेलाचि खा?ला लुयाचुचि, “न्निड्दा इना स्वाम्गाना? खोप्सानुम, लोप येसु इमिन वालोकपे ख्याना निसुम्गा, इखा?लामाड् इलेन न्निड्दा विस्वास चोक्खुबाचि चा लाल्लासे ताम्दाड्फुमाबे तामे?ना॥” न्हाडा इखा इखेप्सुहोड् चेलाचि चा चोन्सिसाड् न्ना भाड् उड्चि पाड्बे न्नासा॥

२०. मान्डालि सुरु न्लेक्साहा

हाड्बा येसु वालोकपे खे?मा हाकिनड् ओन्दाड् उडा उका चेलाचि खा?ला लुक्साचि, “न्निड्दा नाभाड् हे?नेचा इख्यानिन, निड्वाफुमा पाडा पिइघा बाचा कुसामासानुम॥ जोबो न्निड्दाबे निड्वाफुमागा पावित्तारा आत्मा तामे, न्हाडा न्निड्दा साक्ति तोक्त्वाम्गा न्हाड् ताम्दाड्फुमागा योना उलाप सोम्मा आका साचि लेक्सिवाघा॥ न्हाडा इखा?लामाड् येसुगा चेलाचि, हाड्बा येसु वालोकपे खेब्याहोड् उड्चिएको निड्वागा न्लेक्साहोड् एको कोठाबे साधाइ पारथाना न्जोगामासा॥

पेन्तिकोसका लेन ताया, न्ना लेन चा उड्चि साधाइहा लो?वामाड् एको कोठाबे न्छुप्साहोड् पारथाना न्जोकमास्या॥ इखिड् बेलाकडा थाप्थुम्बे माडा हि?वा फेनाना लु?वा चोगा॥ न्ना हि?वाडा न्ना घाक कोठा इप्तु॥ न्नाबे मिलेप ओता, न्हाडा फोकाक फोकाक लेक्साहोड् इखा घाक चेलाचि छोड्बे युडा॥ इखिड्बेलाक उड्चिडा साक्ति न्दोक्तु॥ न्हाडा निड्वाफुमागा साक्तिडा भोरिपुरना न्लेक्साहोड् पावित्तारा आत्माडा चिन्दुचिहा लो?वामाड् प्याक खाले चे?या न्जेक्तु॥ इखिड्बेला न्नाबे प्याक जातिका या?मिचि चा ड्वाया, इखाचि इखा इखेप्सुहोड् न्निसुहोड् छाक्का पोरा न्जोगा॥इजाड्बाड्निड् न्नाबे प्याक खाले चे?या उड्चिडा न्जेक्मास्या॥ उड्चि कोयकोइ खा?ला चा ड्गाया, खाचि च्वाडा सिसुक्सुचिहा॥ इखिड् बेलाक पात्तुरुस निड्वाफुमागा साक्तिडा पोगाहोड् इखाचि खा?ला लुचि, “न्हे छुप्सिमिघा घाक आफुआनुन्छाचि न्निड्दा खेप्सानुम, “खाचि न्निड्दा काइघा लो?वा च्वाडा सिसुच्याहा मेन्ना, इखा?निड्गो हेन हाकिनड् प्याक फिम्बिलिड् ओन्दाड् निड्वाफुमाडा योएल बाड्ना निड्वाफुमाभाड् चेक्खुबा भाड् खा?ला चेक्तामासा, ‘हेक्साड्हा लेनचिबे खा?ला लेड्मे, आका आत्मा घाक या?मिचि छोड्बे पाक्स्वाड्॥ न्हाडा उड्चिगा च्या बाबुचि, मामुचिडा आगामबानि न्जोग्वा, प्याक खाले चे?या न्जेक्त्वाहा॥” इखा चे?या माड् हेन पुरा लेक्साहा ओमा॥” न्हाडा इखा इखेप्सुहोड्, न्ना लेनबे न्नाबे?हा सुम माहोम्बोक या?मिचिडा विस्वास न्जोगु॥

२१. पात्रुस छेक्पाइबे

जोबो मान्डालिचि पुसाइ इख्या, सातावाट चा सुरु लेक्सा॥ मान्डालि तुखिपिखुबा साताचोक्खुबाबे मुख्या हाइ हेरोदगा उमुक वाइसा॥ न्नाबेलाकडा उडा विस्वासिचि इब्बे इब्बे तुखि पिमातारोक्तुचि॥ उडा पात्रुरुस चा लाबुहोइ जेलबे एन्दु॥ न्हाडा लोइखेप्पा इयानिन्निभोइ बाइरा काइबाचि कुमेतुचि॥

इखिइबेलाकडा बिस्वासिचि च्हेन पात्रुस हेरोद हाइगा उमोक्पाहाइ फोइनिभोइ एको निइवागा न्नेक्साहोइ इब्बे इब्बे पारथाना न्जोक्मास्या॥ हेरोद हाइडा पात्रुरुस सिमागा याहुदिचिगा उयुम्बे ताप्पा हाक्सिइ ओन्दाइना सेत्तिइ पात्रुस हिचिचि साइलिडा न्थुन्दुहोइ हिप्पाइ सिपाहिचिगा उलुम्बे इडिप्सुक्सा॥ इखिइबेलाक न्नाबे थापुम्बे निइवाफुमागा एको वालोकदुत ताया॥ न्हाडा उडा पात्रुरुस खोत्तिक खोतुहोइ खा?ला लु, “हानि पोगा॥” इखिइबेलाकडा इखा उमुकपे?हा साइलिचि आफाइ म्फुक्साख्याहोइ खाम्बे डायारुखा॥ न्हाडा वालोकदुतडा फेरि खा?ला लु, “ म्फुगे?मा हाप्सुघोइ आहेक्साइ आहेक्साइआबा॥” न्हाडा पात्रुस चा वालोकदुतका हेक्साइ-हेक्साइ ख्या॥

पात्रुसडा खा घाक का सेम्माइ माक्मासिम्मेइना मितामासा॥ उइचिडा इखा इम्ना नुइ हिम्ना पाहारा पिखुबा काइबाचि काक्तेहेताचुचिहोइ चैक्चिगा गेटपे तासाचु॥ न्ना गेट आफाइ होसा, न्हाडा उइचि बाइरा लोन्दाचि॥ लोन्दाब्याचिहोइ वालोकदुतडा पात्रुस नाओ॥ जोबो पात्रुसगा ओचेत न्दायाहोइ उडा खा?ला काया, “खा घाक चे?या सेम्माइ गो मेन्ना, जेप्पागाले ओम राइछो॥ का हेरोद हाइगा उमोक्पाहाइ फोइमागा निइवाफुमाडा उका वालोकदुत पाक्सुक्सुना राइछो॥”

22. कुजे या?मि नुयाना

इमा ले?निगा सुम मोकतुनिइ पात्रुस नुइ युहान्ना पारथाना चोक्से याहुदि छुम्पाइबे ख्याचि॥ इखिइ बेलाकडा न्ना छुम्पाइगा वालाम्बुइबे एको कुजे या?मि वाया॥ न्ना नाइचानि भोइ उका आफान्ताचिडा साथाइ न्नाबे इयुक्सोओक्सा॥ न्ना कुजे या?मिडा पात्रुस नुइ युहान्ना निसुचिहोइ उइचि भाइचा इहा तोक्त्वाइहायेमभोइ नाक्तुचि॥ इखिइ बेलाकडा पात्रुरुस नुइ युहान्नाडा खा?ला लुयाचु, “कान्चिइ सोया” न्नाडा चा इहाले पिहेक्साहायेमभोइ खा?ला सोचि॥ इखिइबेला पात्रुरुसडा खा?ला लु, “का नुइ साम्याइ, युप्पा इहा चा मान, इखा?निइगो कानुइ इहा वान्ने इखा का हेन पिम्मे?नेन्हा॥ न्दा येसु खिरिस्टका उनिइबे पोगाघोइ लामा॥” न्हाडा उमोक्पे लाबुहोइ पोगु इखिइबेलाकडा माइ न्ना या?मिगा उलाइ उमोक्पे साक्त्त तायाहोइ उइ मुथिइगिरिक पोगा, न्हाडा लाम्पा

तारोक्तु। न्हाड् पात्तुरुस, युहान्ना नुड् चोन्ससाड् निड्वाफुमागा उनिड् थेन्साड् छुम्पाड् होड्बे उया। इखिड्बेलाक न्नाबे?हा घाक या?मिचिडा कुजे या?मि लाम्साड् निड्वाफुमागा उनिड् थेन्दुना न्निनुसुहोड् छाक्का पोरान्जोगा। न्हाडा न्नाबे प्याक या?मिचि न्छुप्साराया। इखिड् बेलाक पात्तुरुसडा खा?ला लुचि,“ओ इजिरेल बे?हा या?मिचि कान्चिड् इजाड् ओओड् इड् सोम्मेकाहा ? ना या?मि आन्चिड्गा साक्ति नुड् भाक्तिडा नुमेताड्चुड्ना लो?वा? इखा?निड्गो इखा?ला मेन्ना, न्निड्दा एको पाबित्तारा नुड् धारमोति या?मि सिमुमा, न्ना या?मि निड्वाफुमाडा स्याना भाड् चा हिड्मेतु। न्हाडा उका उनिड्बे बिस्वास चोगुनाडा माड् ना या?मि नुयामाना ओम।

24. येषु फेरि तामे?ना

इलेन येषुडा उका चेलाचि खा?ला लुचि,“हाकु का निड्वाफुमा आप्पागाबे खेप्माना बेलाक लेक्सेहेक्सा। न्निड्दा सुरता न्जायानिन, न्निड्गा निड्वा इन्दुकिन्नि। का खेमेड्होड् फेरि न्निड्दा बिस्वास चोक्खुवाचि लान्लासे इलेन ताम्दाड्फुमाबे ताम्मेड्।” इखिड् बेलाकडा येषुगा चेलाचिडा खा?ला लुसाड् न्छिम्ड,“हाड्बा येषु, न्दा हेत्तिड्डा कानिड् लान्लासे ताम्मेकाना?” न्दा ताम्दाड्फुमाबे तामा हाकिनड् ओन्दाड् इहा इहा लेड्मेहा?” न्हाडा येषुडा खा?ला लुचि,“न्निड्दा होसियार वायानि, इसाडा चा लेम्चामा न्दोक्तिगान्नि। का हेत्तिड् तामेड् न्नागा उतुम्बे निड्वाफुमा पाडा से था वान्ने?ना। अरु इसाडा चा था माज्ञा। इखा?निड्गो सोयानुम, का न्निड्दा लाल्लासे तामा हाकिनड् ओन्दाड् ताम्दाड्फुमाबे खा खा चिड्गो न्लेड्मेहा। प्याक या?मि का मुक्ति पिखुबा खिरिस्टडान कासाड् न्दामे, का पाप पाहाड्फोड्खुबाडान् ड्गामे। न्हाडा इखाचिडा प्याक या?मिचि न्लेमुच्चवाचि। इखिड्बेलाक ताम्दाड्फुमाबे माम्माहा लुक्लिबाचि इखेम्मे,जाति गा विरुद्दाबे जाति,राज्यगा विरुद्दाबे राज्या म्बोड्मे,न्हाडा माम्माहा लडाइ न्लेड्मे। या?मि या?मिबे लुड्मा तुक्खुसाचामाना मान्दिसाड् खेम्मे,न्हाडा या?मिचि लुड्मामेन्दुक्खुबा न्लेड्मे। न्निड्दा बिस्वास चोक्खुवाचि हेकोहा या?मिचिडा तुक्नुड् तुखि पिड्वागा,न्निड्दा लाबि?वागाहोड् छेकपाड्बे छेक्तिवागा। इखिड् बेलाक प्याक बिस्वास चोक्खुवाचिडा बिस्वास न्लेप्ति?वा।इख?निड्गो न्निड्दा इगिसितानिन इजाड्बाड्निड् इसाडा हेक्साड् सोम्म बिस्वास न्लेप्ति?वान न्नाडा से उद्दार तोक्त्वा,उडा से वालोकपे खे?मा तोक्त्वा। खा?ला खा घाक लेड्दिमेहोड्, ताम्दाड्फुमा बे?हा घाक जातिगा या?मिचिडा नुसाला इखेप्सि?वाहोड् का न्निड्दा लाल्लासे ताम्मेड्।”

लोक कथाहरु

१ चातुरे

-जीवन याख्या

एको तेनबे सुम्भाङ्गा एको परिवार वाया॥ चातुरे, उफु नुङ् उभाउजु॥ न्ना चातुरे च्हेन तुक्नुङ् चोम्बु साया॥ न्ना चोम्बु सायाहोङ् माङ् उभाउजुडा सोप्माइ हयासुक्सान॥ उडा साधाइ थिन्दुक्सा सेप्पा॥ उभाउजु लेनगा लेन भेनिक भेनिक माङ्पाङ्बे लामामासा॥

इलेन चातुरेडा उभाउजु साधाइहा लो?वा माङ् माङ्पाङ्बे खेप्मास्याना निसु॥ न्हाडा उङ् खा?ला मिता, ना भाउजु इजाङ् लेनलेन माङ्पाङ्बे खेम्मे?ना ? हेन च्हेन का चा उका ओहेक्साङ् ओहेक्साङ् चुम्साङ् खेन्सोप्मातायाना॥ न्हाङ् चातुरे उभाउजुगा हेक्साङ् हेक्साङ् चुम्साङ् चुम्साङ् माङ्पाङ्बे ख्या॥ माङ्पाङ्बे तासाचुहोङ् उभाउजु चेन सोरोसोरो माङ्पाङ्बे उयाख्या॥

न्हाडा उमोटेङ्बाडा च्हेन् भाउजु इचोङ्मे?ना भोङ् स्वाक माङ्पाङ्गा योना पोति ख्याहोङ् खेप्सुक्सा॥ इखिबेला उभाउजु खा?ला कासाङ् माङ्नुङ् पारथाना चोक्मा तारोक्तु॥ “हे भागवान का इ चोक्डा? आका एको आमोटेङ्बा वान्ने न्ना का इमिन सिसुङ्?” इखा चेक्ताहा चे?या च्हेन ओमोटेङ्बाडा योना पोतिन्धाङ् खेप्सुक्सा, न्हाडा उङ् भागवान चेक्ताना लो?वा खा?ला कासाङ् चेक्ता, “न्दा तुखि न्जायान, इगा पारथाना का खेप्सुक्सुङ्॥ हाकु इगा म्मोटेङ्बा सुम मोनाम सोम्माबे मिक्सुरुम्बा लेङ्दिमे?ना॥ हाकु न्दा ख्या, न्हाडा खुम्दुहा खुम्दुहा चाम्पोङ्बा निघोङ् पि॥” न्हाडा उभाउजु च्हेन जेप्पा कानुङ् भागवान चेक्ताना मिताहोङ् इब्बे इब्बे चोन्सिसाङ् पाङ्बे लासा॥

न्हाडा ओमोटेङ्बा च्हेन उभाउजु तान्दिप्पा हाकिनङ् ओन्दाङ् उङ् पाङ्बे तासुहोङ् मिक्सुरुम्बा लो?वा लेक्साहोङ् चारामबे युडामासा॥ न्हाडा मिहेक्साङ् उभाउजु चा तायाब्याहोङ् उडा उफु, उभाउजुचि खा?ला लुचि, “आफु नुङ् भाउजु का गो इङ्गाले हायाङ्ना बा? आमिकडा चा कुइम कुइम निसेहेतुङ्हा॥” चातुरेडा खा?ला कायाना खेप्सुहोङ्

उभाउजुडा च्हेन उनिङ्वाबे खा?ला मित्ता, हाकु इग्गा काल तायामाना॥ हाकु न्दा इहिङ्मेकान्ना बाबु॥ न्हाडा उडा ओमोटेङ्बा माङ्पाङ्बे खेप्सुहा लो?वा माङ् खुम्दुहा खुम्दुहा चामेङ्बा निसाङ् पिप्पा तारोक्तु॥ ओमोटेङ्बा च्हेन खुम्दु खुम्दु चामातोक्तुहोङ् लेनलेन चात्तु चात्तु लेङ्साङ् ख्या॥

इंखा?लानुङ् इंखा?लानुङ् सुम मोनाम चा तासु, न्हाडा इलेन चातुरेडा उफुनुङ् उभाउजु काचिहोङ् खा?ला लुचि, “आफु नुङ् भाउजु कागो आमिकडा पुराइ निमा लेप्तिङ् हाकु इ चोक्डा?” उभाउजुडा च्हेन खा?ला कायाना खेप्सुहोङ् उनिङ्वाबे खा?ला काया, हाकु न्दा स्यागाना॥ न्हाडा उभाउजुडा उफु पाङ्होङ्बे काहेतुहोङ् खा?ला लु, “लु हाकु नाडा उमिकडा निमा लेप्तिक्सु खिबाकडा थुन्चुहोङ् धोकोरोबे याङ्चु न्हाङ् भिरिक्पाहाङ् काङ्नाहाङ्चु॥” इंखा घाक चे?या चातुरेडा बाइरा खेप्सुक्सा॥ न्हाडा उडा उफु काहोङ् खा?ला लु, “आफु का एको माना डाङ्गाक चोक्ताब्याङ्घाइ॥ नाबे एको कुचुमाडा तुक्नुङ् तुखि पिप्पासिम्मेङ्ना॥” न्हाडा उफुडा चा एको माना डाङ्गाक उनुन्छा चोक्तुतु॥

न्नागा मिहेक्साङ् उभाउजु नाडा जेप्पागा उमिकडा न्निस्वानाहा मित्ताहोङ् खिबाकडा थुम्मा तायाना भोङ् उयुम्बे खिबाक ताहोङ् उयुम्बे ताया॥ इंखिङ् बेला चातुरेडा न्ना उफुडा बाचोक्तुबिक्साना डाङ्गाकडा उभाउजुगा उटुखुरुक्पे ठाङ् कोक्तेन्दु॥ न्हाडा उङ् खा?ला कासाङ् माडा सेम्लाडा ओक्ता, “ओ आफु नुङ् भाउजु, न्हे आबचिघाङ् का एको माना कुचुमा मोक्तिसिक्सुङ्ना॥” इंखिङ् बेला उफु आत्येचोक्साङ् पाङ् बाइरा लोन्दा॥ बाइरा लोन्दानिङ्डा गो कुचुमागो मेन्ना उहिङ्खुमाले ठाराइ मोक्तिसितुबिक्सुना॥

२. याक्खाबाचिगा उथुक

-जयन्दा याक्खा

उइले प्याक फिम्बिलिङ् ओन्दाङ् एङ्गा तेनवे एको माडा पुङ्दा वायाबु॥ इंखिङ्बेलामाङ् ओन्दाङ्ना माडा लाडाइ चा लेक्सानाबु॥ न्ना लाडाइ भाङ् एको ओफोक खुखुमा मामु डिक्ताहासु बु॥ इंखिङ्बेला न्ना मामु आलापात्र लेक्साहोङ् लुक्साङ् लुक्साङ्, लुक्साङ् लुक्साङ् तायानिङ्डा न्ना पुङ्दाबे तायाब्याबु॥ न्ना पुङ्दा बे पाङ्चि म्मायानिनबु, एको माना लुङ्ढाङ् से वायाबु॥ न्ना लुङ्ढाङ् बे?माङ् न्ना मामु वायाबु, उडा न्नाबे?माङ् हिप्पाङ् उच्या बाबुचि तोक्तुचिबु॥

इखा बाबुचि लेनलेन पुसाइः पुसाइः ख्याचिबु, न्हाडा न्ना मामु च्हेन माघ्याम लासाहोइः स्याबु॥ उइचि मा स्याख्याहोइः इखा बाबुचि पुइःदाबे सिकार चायाघोन्दाचिबु॥ इखा?ला सिकार चायाघोन्दाचिनिइः ओछोडा ओछोडा ठोइःबे चा तासाचुबु॥ इलेनगा चे?या ओम उइःचिडा ओछोडा ठोइःबे एको उचुन्ना मामु तुप्साचुबु, इःखोइः न्ना मामु उइःचि पाइःबे लेमारायाचुबु॥ न्हाडा उइःचिगा सान्तानचि चा न्लेक्साख्याबु॥ इखा?ला उइःचि सिकार चासाइः चासाइः ख्यानिइः फेरि एकोना एकोना ठोइःबे चा न्दासुबु॥ न्ना ठोइःबे उचुन्हा उचुन्हा बोस्ति न्निसुचिबु, न्हाडा उइःचि न्नाबे?हा या?मिचिनुइः नाजिक न्लेक्साहोइः सालापुला लेन्चामा न्दारीक्तुबु॥

इखा या?मिचिडा उइःचि उचुन खेतिपाति चोकमा, पोसु पारनिचि, चाउपायाचि हिडःमाचि भोइः साल्लाहा म्बिचिबु॥ खोइः उइःचिडा चा इखा?ला माइः चोकमा न्दरीक्तुबु॥ खेतिपाति न्जोगुबु, साइःवा पिकचि इहिडुचिनिइःबु, न्हाइः बाताबारन चा उचुन लेक्साबु॥ घाक फिम हाराभारा लेक्साबु॥ इःखोइः नाकुच्याक्चि चा न्जोन्दास्याबु॥ इखा?लाहोइः माइः या?मिचि चा पुसाइः पुसाइः ख्याबु॥ खा?ला एको, हिचिचि लेइःसाइः बोस्तिचि चा प्याक प्याक न्लेक्साख्याबु॥ उइःचिगा प्याक बोस्तिचिबे प्याक खाले उइःचिगा सास्कृति पाराम्पारा इःयुक्सेतुबुहे॥ इःखिइःबेलाकमाइः एइःगा चाबाक लाक, केइः लाक, हाक्पारे लाकका चा सुरु लेक्साहाबु॥

खा?ला कानिइः खिइःबेलाकडा वेतिहा घाक याख्याबाचि न्ना विस्वा युदा भाइः इडिक्ताक्सुना मामुगाभाइः लेक्सिहाबु उकामाइः सान्तानमाइः सिडान्बु॥

३. सोक्पागा ताप्लिक

-अजय याख्या

उहिलेहा चे?या ओम॥ या?मिचिडा प्याक साइःवापिक हिइःडुक्साचिबु॥ न्हाडा न्नागा वोरिपोरि एको माडा पुइःदा चा वायाबु॥ न्ना पुइःदाबे एको माडा सोक्पा चा वायाबु॥ न्ना सोक्पाडा गोठालाचिडा था मेन्दोक्ले उइःचि साइःवापिक्चि लेनलेन एको एको चोक्साइः चोतुबिचिबु॥ इखा?ला न्ना सोक्पाडा इखा या?मिचि तुक्नुइः तुखि पिचिबु॥

इखा या?मिचिडा च्हेन सोक्पा सिमा न्जोगु इखा?निइःगो सिमा इयासुक्सानिन॥ न्हाडा इलेन उइःचि घाक न्छुप्साहोइः सोक्पा इमिन सिमाना भोइः एको उपाया बानान्जोगुबु॥

मिहेक्साङ् एको या?मिडा न्ना सोक्पा लेमुहोङ् निभाक लाप्चिभोङ् लुबु॥ होन्ना सोक्पा चा काक्साबु॥ इखिङ्-होङ्-चा साङ्वापिक चाम्बि?मा न्नेप्तिन्चिन्बु॥ उछिक एक्ताना बेलाबेको ज्ञा उनिभाक चा चा?निमागा चोगुबु॥ इ-खोङ्- न्ना या?मिडा एको खा?लाना उपाया चोगुबु॥ ज्ञा पुङ्-दाबे आङ्-बुगा उथाप इब्बे इब्बे वाङ्साबु॥ न्ना या?मिडा आङ्-बुगा खोटो प्याक छुप्सुबु इ-खोङ्- ओन्दाङ्-हा लो?वा सोक्पा उका गोठाबे काबु॥

सोक्पा चा अनिभाकडा कायामाङ्-ना खे?मा तायाना मिताहोङ् गोठाबे तायाबु॥ खोङ्- न्ना या?मिडा लुबु, “काम्निभाक हेन उचुन्ना लेन ओम हाकु साल्लाहा चोक्चि॥” न्ना सोक्पा चा इमिन्हा साल्लाहा लाए चोक्चिबा कायाबु॥ इ-खोङ्- न्ना या?मिडा लुबु “का इमिन इमिन चोङ्-मेङ्, न्दा चा इ-खा?ला इ-खा?ला चोगा आउ॥” सोक्पाडा चा लुबु लेङ्-म?ना॥ इ-खोङ्- न्ना या?मि इमिन चोगा इ-खा?ला इ-खा?ला सोक्पा चा चोक्साङ्-छयाबु॥ न्ना या?मिडा उका ओथोक्बे आङ्-बुगा खोटो जाताताता नेक्तुबु॥ सोक्पाडा चा नेक्तुबु॥ इ-खोङ्- या?मिडा चाकमोक नुङ् छेङ्-गोरोकडा मि केहोङ् उजिउबे एन्-दुना लो?वा चोगाबु॥ न्हाङ् सोक्पा चा पि बु, सोक्पाडा च्हेन जेप्पागा मि लोन्-दुहोङ् उजिउबे एन्-दुबु॥ न्हाडा उका उमुङ्-बे खोटो ओन्दाङ् नेक्तुक्साहोङ् इ-खा जुलुलु हान्मा तारोक्तुबु॥ इ-खोङ्- आपात आयाहोङ् खा?ला कायाबु, “हाकु अनिभाक इ चोक्चि ?” इ-खोङ्- न्ना या?मिडा लुबु, “अनिभाक कोङ्-गु नुङ्-घाङ्गि लुक्चि॥ न्दा घाङ्गि घाङ्गि लुक्ता का डाडा डाडा लुङ्-मेङ्-ना॥” न्हाङ् हिप्पापाङ् सुरितिति लुक्तामाचि॥ मिहेक्साङ् न्ना सोक्पा मिडा तुन्दास्याबु॥ न्नाहाङ्-तोमाङ् सोक्पा या?मिनुङ् आङ्-बुगा खोटो भाङ् किसि?मा तारोक्तुनाबु॥

इ-खा?ला सोक्पा मिडा तुन्दिस्सिहोङ् न्ना बे?हा घाक गोठालाचि, उङ्चि साङ्वा पिक्चि चोन्सिसाङ् उचुनुङ् वामा न्दारोक्तुनाबु॥

४. चाङ्खे

-शान्तिला याक्खा

एको तेन्बे एको चाङ्खे बाङ्ना या?मि वाया॥ उङ् ओतोखुमाक साया॥ इलेनगा चे?या ओम न्ना तेन्बे?ना एको थुङ्-दुना या?मिडा उपाङ्-बे माडा पूजा एम्मा मिताहोङ् बाहुन कासेभोङ् योन तेनबे छया॥ न्हाडा भाका युक्साचुहोङ् पाङ्-बे लासा॥ हेक्साङ् पुजा एम्माना लेन न्ना बाहुन चा एको उकाम्निभाक नुङ् लाम्बु लाचोगा॥

उङ्चि आप्पास्याचिनिङ् तुक्नुङ् साक्डा स्यामाचि॥ न्हाडा यो खे तोमो सोयामाचु,

इंखिइंभेला उइंचिडा न्नाबेएको पाइ निसामाचु। न्हाडा लु हाकु साकडा सिहेक्सचि न्ना पाइबे खेच्चिहोइ चाम्योइबा चोइचाचु कायाचिहोइ न्ना पाइबे ख्याचि। न्ना पाइ च्हेन चाइखेगा साया। उइंचि न्ना पाइबे तासाचुहोइ चाइखे खा?ला लुयाचु, “आनुन्छा कान्चिइ चामा निम्बिमेकाहा?” ना चाइखेडा लुकसुचि, “लेक्सबा निम्बिनेन्चिना।” न्हाडा इंखा हिप्पाइ बाहुनचि चोन्ससाइ वायामाचि।

ना पाइगा मोरोकडा एको होइमा चा वाया, इंखाचि पालो पालो नुहाबाचोक्सभोइ ख्याचि। ओन्डाइ एको ख्यामा, न्हाडा न्हे वाखुबाडा च्हेन चाइखे लुकसु, “ना या?मिगो माइना गाधा ले?लो इहया चा काम न्जोग्वान, मानुइगो चामा निम्फाकाहोइ चा लेक्सबि बा। इहा चा न्जोग्वान्हा, माइना बेककामे।।।”

न्वाहाबाचोक्से खेखुबा एक छिनडा ताया, न्हाइ हेकोनागा पालो ख्या। न्ना नुहाबाचोइदाराखुबाडा चाइखे खा?ला लुकसु, “ना या?मिगो माइना गोरु इहया चा काम निस्वान्हा, माइना बादमास ओम।।” न्हाइ हेकोना चा नुहाबाचोगारायाहोइ उइंचि हिप्पापाइ नाम हुन्चामा तारोक्तामाचु, चाइखे च्हेन पाइ होइबे चामेइबा निसे ओक्खिपिक्खि साया।।

चाइखेडा चामा निइहोइ इंखा हिप्पाइ बाहुनचि चामा चासे काचि। न्हाइ इंखा बाहुनचि तुक्नुइ साकडा स्यामासाचिहोइ हानि हानि चोक्साइ चोन्ससाइ उइंचि मुक वासियाचुचिहोइ पाइ होइबे चामा चासेभोइ उयाचिहोइ गुन्दिरिकपे युडाचि। इंखिइंभेलाकडा चाइखेडा खिइंखिडा मम्महा आरिचिबे घाँस नुइ खानिइले आप्त्वाहोइ पिक्सुन्ध्याहा।। खा निसाचुहोइ हिप्पाइ बाहुनचि माइमाइ माक्सबाब्याचि। न्हाडा उइंचिडा छिम्दाचु, “खा इहया ओम? खा ओम यि चामा?” न्हाडा चाइखेडा लुकसुचि, “न्जिइडा माइ हा?लो खेम एकोडा गोरु, एकोडा गाधा कायाचिगा इंखोइले कागो गोरु घाँस, गाधा खानिइ ठिक चोइबि?नेन्चिनाहा?लो। न्हाडा इंखा हिप्पाइ बाहुनचिगो चाइखेगा बुद्धि निसाचुहोइ छाक्का पोराचोगाचि।।

५. स्याल नुइ याक्पुचागा ताप्लिक

-लाल माया याख्खा

इमा एको पुइदाबे प्याक खाले जिब जान्तुचि इंवायाबु। इंखा माध्येबे स्याल च्हेन घाक हाकिनइ चेन्दुना चोम्बु न्हाडा काडान काखुबा सायाबु। इंखा चे?या याक्पुचाडा चा खेप्सुक्साबु। न्हाडा इलेन याक्पुचा नुइ स्याल इंखा?लामाइ पुइदाबे तुबामाचि, न्हाडा

स्यालडा याकपुचा चामागा चोगुक्सु, इखिङ्बेला याकपुचाडा खा?ला लुक्सु, न्दा घाक हाकिनङ् चेटुडाना कामेकानाबु?लो? स्यालडा कायामा, आ बुद्धिबेको का इसाडा चा इहेन्चामेन्हा॥ इखोङ् याकपुचाडा लुक्सु, “इखा?ला भोङ् का चामा यामेङ्गाना हा?लो?” स्यालडा लुक्सु, “का इमिनाहा इमिनाहाचिगो यान्दुकसुङ्चिङ् न्दा चामा इयामेनेन्नाइ?” न्हाडा याकपुचाडा लुक्सु, “इखा?ला भोङ् का एको स्वारथा युक्स्वाङ् न्हाडा का चायाङ् आउ?” स्यालडा लेङ्मे?ना कायामा॥ न्हाङ् याकपुचाडा लुक्सु, “का एको मिन खाल्टो खोन्द्वाङ्होङ् न्नाबे उमेङ्, न्हाडा का हे?निङ् लोम्याङ् इखिङ्बेलाक लाबाङ्घोङ् चायाङ्॥”

न्हाङ् याकपुचाडा च्हेन खाल्टो खोन्दुकसुहोङ् उयाख्यामा॥ स्यालडा च्हेन इबेलाक लोम्मे?होङ् एकाइ छाक चोग्वाङ्नाभोङ् सुक्तुनेसुक्सा॥ इखिङ्बेला थापथुम्बे याकपुचा उतिङ् आमसाङ् भुरुचोक्साङ् लोन्दाक्यामा॥ भुरुचोक्साङ् आप्सुभोक्सुहा घाक धुलो स्यालगा उमिक्पे भोरि उयामाहोङ् स्यालडा उमिक् नुक्मा तारोक्तुकसुचि याकपुचा च्हेन न्ना माउका सुक्तुकसुहोङ् सुइ लुक्ताख्यामा॥ इखा?ला एको काडान काखुबा स्याल याकपुचाडा यान्दुनाबु॥

६. सात्ये जुकपे?हा ताप्लिक

उइले सत्ते जुकपे इमा माडा आनिकाल ताया॥ न्ना आनिकालबे इङ्गायाहोङ् घाक या?मिचि न्सेबेमासामासा, इखा?निङ्गो न्नाबे एको पाङ्बे?हा या?मिचि से इहिङ्गामासा॥ इखाचिगा पाङ्बे चा चाम्योङ्बा मेन्दाब्यामासा मि?याङ् चासाकसे वाया॥ इखा मि?याङ्हा चासाकका हा?वा निप्माहोङ् मिमिक होङ्चा होम्माहोङ् सिमा भोङ् हा?वा म्मोक्तुकसामा॥

इखिङ्बेला एको नाङ्चाखुबा या?मि तायामाहोङ् खा?ला लुक्सुचि, “का चा मि?याङ् पिया आउ?” न्ना पाङ्बे?ना माघ्याम न्लुक्सु, “मि?याङ् चासाक डोन्दामासाहोङ् हाकु खा चा?निमाहोङ् घाक सिमा भोङ् हा?वा मोक्तुकसुम्डाहा, इखा चा न्दा पि?मागान्यि? न्दा इखोमेकान्ना॥ कानिङ् गो इसाडा पि?नि, न्हे सिमाना बेलाक॥” न्ना नाङ्चाखुबाडा लुक्सुचि, “मि?याङ् होङ्चा पियाएबा आहाङ्बाचि॥” न्ना माघ्यामडा फेरि लुक्सु, “इखोमेकान्ना बाङ्निङ्गो, न्हे खिङ्हा पिछानाछाचि न्निस्वान्चिगान्हा?” इखिङ्बेलाक न्ना पाङ् बे?ना पाघ्यामडा च्हेन उलुङ्मा तुक्तुकसु न्हाडा लुक्सुचि, “इखा आभाक माङ् पियानुमा॥” न्हाडा न्ना माघ्यामडा थिन्साङ् क्वा चो लुसाङ् सोसुबिक्सु॥

हेक्साङ् घाक न्स्याख्यामा, न्हाडा इखाचिगा आत्मागा निरिक् चोक्माना बेला ताया॥ इखिङ्बेला उङ्चि घाक छाकका पोरान्जोगा॥ इजाङ्बाङ्निङ् ओन्दाङ् उङ्चि पाङ्बे

नाड्चाखुबा या?मिले न्ना निरिक् चोक्माना ठोड्बेको युडामासा॥ उडा न्ना पाघ्याम च्हेन तो
वालोकपे पाक्सहाक्सुक्सु न्हाडा उका उहिङ्खुमा नुङ् उच्याचि च्हेन मो नाराकबे
पाक्सुक्सुचि॥ इङ्खिङ् बेला पाघ्यामडा खा?ला छिम्दु, “उङ्चि च्हेन इजाङ् मो पाक्सुचिचा॥”
न्ना या?मिडा लुक्सु खाचिगा ब्याबाहारडा उङ्चि मो खेप्पा पोराचोगाहा ओम॥

इङ्खा?ला तुखिसुम्बा लुङ्मा तुक्खुबा, सोखुबा या?मि वालोक खे?मा तोक्तु इङ्खा?निङ्गो
या?मिचि पि?माना निङ्वा मेवाखुबाचि, आफाङ्गासे फोक सोखुबाचि च्हेन नाराकपे खे?मा
पोराचोगा॥

(समाप्त)